



5.4.18

5B.4.



111

1133

Francisco

1748



DE
ANTIQUIS LITTERIS
HEBRÆORUM
ET
GRÆCORUM
LIBELLUS

JOANNIS BAPTISTÆ BIANCONI.



BONONIÆ MDCCXLVIII.

Apud Thomam Colliex Typographia S. Thomæ Aquinatis.
Superiorum permissu.



J E S U C H R I S T O

R E D E M P T O R I S U O

G E N T E S O M N E S

ΚΑΗΡΟΝΟΜΗΣΑΝΤΙ

L I B E L L U M

D I C A T E T R E S T I T U I T

A U C T O R

D E V O T U S N U M I N I V E R O

M A J E S T A T I Q U E E J U S ;



Redidere Judæi, qui altero seculo post excisam a Tito Hierosolymam vixerunt, Esdram antiquasse vetustas figuras litterarum hebraicarum, earumque loco utendas populo suo tradidisse illas, quas Babylonem viderat in usu esse: atque hoc tanta asseveratione affirmare soliti fuerunt, ut id nostris etiam summis quibusque & doctissimis viris persuasum esset. Origenes seculis septem a re ut ajunt gesta omnium primus hoc a Judæis acceptum tradidit (a): Tum Eusebius in Chronico (b) affirmatur, inquit, *Esdrae Judaicas litteras mutasse*: Deinde plurimi idem scripserunt. Nullum nimirum tempus aliud occurrebat, nulla occasio, cui tribui posset sollemnis hæc mutatio litterarum. Ex eo tempore opinio invaluit characteres quadratos, quibus etiamnum utuntur Judæi, primo Chaldæorum fuisse, post a Judæis receptos adhuc in usu esse; cum interea antiquæ litteræ Hebræorum relictæ fuerint Samaritanis, quos Babylonicæ captivitatis procella non involverat. Habet hæc sententia multam similitudinem veri. Si quis enim contulerit figuras litterarum, quibus nunc scribunt Judæi cum iis, quibus exaratus est Pentateuchus Samaritanus, non invitum sibi persuadebit diversas esse litteras, præsertim cum plurimos jam & gravissimos ita sentiendi habeat auctores.

A 3

Ve-

(a) In scelest. in Ezech. T. 3. p. 434.

(b) Cst. a Walt. prol. 3. Bibl. Polygl.

Verum huic opinioni maximam semper attulere difficultatem Judaici nummi, qui in manibus multorum sunt, *sicli* vulgo dicti, quibus impressæ sunt non eæ litteræ, quas nunc habent Judæi, sed vetustissimæ ejus gentis, seu Samaritanæ, quamvis nemo fortasse sit, quin fateatur longe post captivitatem Babylonicam fuisse percullos. Adeo torquet veteris opinionis studiosos hoc argumentum, ut ad illud declinandum nihil non excogitaverint. Sed nusquam tamen memini me legisse quidquam, quo difficultas hæc tollatur, vel solide infirmetur. Atqui rem hanc si quis excuserit, cognoscet ab iis, qui veterem hanc traditionem tuentur, nonnulla temere dici & tanquam certa poni, quæ tamen indigent auctoritate. Ego vero puto litteras veteres Hebræorum non fuisse publicæ auctoritate immutatas, neque Esdram novas litteras tradidisse, sed ex iis quæ in Siclis extant paululum immutari cœptis commodo & celeritate scribendi sensim efformatos esse characteres Judaicos, qui nunc sunt in usu. Quam scribendi varietatem apud omnes gentes, quarum mores novimus, nemo negabit semper fuisse. Primo itaque videndum, quibus fundamentis nitatur illa opinio, deinde quæ nostram sententiam confirmant afferenda.

Ajunt nostrates litteras Judaicas Babylone in usu fuisse. Nihil est dicto facilius, ut in veteri proverbio. Verum illud, quo tanquam basi cetera sustententur, confirmasse aliquo certo testimonio oportuisset. Mihi profecto id quærenti adhuc non occurrat. Imo vero Chaldæos iisdem quibus Hebræi characteribus usos esse, probabilius est. Quod ut explicem, paulo altius est res repetenda. Abraham & Nachor cum fratres essent in eadem domo educati ad virilem usque ætatem, communem habuisse linguam facile cuivis probabitur. Communem item
lin.

7
linguam eorum posteros habuisse multa suadent. Abraham jam senex filio Isaac uxorem adjuncturus mittit *servum seniore[m] domus suæ* ad filios fratris Nachor in Mesopotamiam. Is illuc profectus propter oppidum confidet expectaturus horam, qua mulieres ad hauriendam aquam exirent. Rebeccam conspicatus *virginem decoram nimis* secum reputavit eam esse quam quæreret: obviam factus eam interrogat, cum ea familiariter loquitur, & inde domum ingressus Batuelis patris puellæ multos habet sermones. Nulla inter duorum fratrum filium & servum necessitas interpretis nulla mentio, ut infra de Josepho dicitur, qui cum fratres alloqueretur, vellentque ignotus esse, interprete utebatur. Pergit ad virum Rebecca, cum nutrice & ancillis, quæ cum ad alia, tum ad puerorum curam datæ fuisse videntur: quantumque matris, & ancillarum sermo valeat in formanda puerorum lingua, nemo ignorat.

Jacob a parentibus persuasus proficiscitur in Mesopotamiam e domo itidem nepotis Nachor uxorem quæsiturus. *In baculo suo*, idest sine comite aliquot dierum via confecta casu obvios habet *in agro* primum servos avunculi sui Laban, tum consobrinam, Rachelem, postremo avunculum ipsum ad se progressum. Cum his omnibus sermonem habet, ut sit inter eos, quos casus obvios facit. Post aliquot annos ducit Liam & Rachelem filias Laban; liberosque, tam ex illis procreat, quam ex earum ancillis, in ea regione annos commoratus XX. Demum divino monitu in terram Chanaan revocatus educit uxores, filios, ancillas, & plurimam familiam, quæ sufficere posset domesticis officiis & armentis multis ovium, caprarum, camelorum, boum, asinorum curandis. Ita Jacob in terram Chanaan redux non modicam prout illa ferebat ætas civitatem habuit, in qua-

versaretur, auctam deinde Isaac vita functo famulis & opibus paternis: tam raris eo tempore habitatoribus ejus regionis, ut paterfamilias tot hominum tantorumque armentorum dominus posset sine cuiusquam injuria ex fructibus terræ se suosque sustentare. Et qua ratione pater & avus ejus sub tabernaculis perpetuo degentes nulla certa sede, nulli populo aut urbi diu addicti hac illac peregrinati fuerant, ut pascua & alendæ familiæ ratio poscebant, eadem vixit etiam Jacob, donec ipse, filii, omniaque servitia in Ægyptum proficiscerentur. Nemini potest in mentem venire Israelitas (sic enim vocare deinceps fas est) interea linguam mutasse, cum Joseph jam *propositus universa terræ Ægypti* fratres illuc profectos famis causa, ut trumentum coemerent, plane intelligeret inter se colloquentes. Cum itaque deduxerimus posteros Abraham utque in Ægyptum, in qua *aucti, & multiplicati nimis*, & in unum collecti locum vivere, videor mihi ita processisse, ut confidenter affirmare possim in Israelitarum gente linguam Abraham continuatam esse. Eandem postea perdurasse in Hebræis aliquot seculis, solertissimi quique harum rerum investigatores opinantur.

Poterit dubitationem aliquam movere, num certa & plana sint quæ diximus, id quod est Genes. XXXI. 47. *quem vocavis Laban tumulum testis, & Jacob acervum testimonii, uterque juxta proprietatem linguae suæ*. Sed primo advertere oportet verba, *uterque juxta proprietatem linguae suæ* ab hebraico fonte & versionibus universis abesse. Solet enim aliquando vulgatus interpres per paraphrasim addere, quædam, ut notum est. Deinde nomen loci *תֹּמֶלֶךְ לָבָן* *tumulus testis*, quod Moyse tribuit Labano, videtur dictum per anticipationem. Planius dicam. Moyse sciens & prudens scripsit locum Galaad, seu

tumulus.

sumulum testis dictum esse אֱלֹהֵינוּ וְ etiam tum a Labano, quia suo tempore id nomen habebat inditum a posteris Labani, aut a Chaldæis; Chaldaicam quippe formam id nomen habet; quemadmodum antea scripserat Genes. XII. 8. Abraham venisse prope Bethel, cum tamen locus is Bethel sit appellatus solum multis post annis a Jacobo nepote: si modo illa ut nunc jacent a Moyse ita scripta sunt. Fieri enim facile potest, ut posteriores Hebræi hoc nomen apposuerint, ut posteris Labani, & Chaldæis, quorum omnium auctor erat Nachor in juramento memoratus, constaret clarius de loco, in quo sædus inter Patres tantarum Gentium sancitum fuerat. Quæ sequuntur in textu hebraico, dant locum huic suspicioni. *Et vocavit eum Laban* אֱלֹהֵינוּ וְ: *Et Jacob vocavit eum* וְלֹא: *Et dixit Laban* (non אֱלֹהֵינוּ וְ sed) וְ בֵּין מֶלֶךְ *inter me, & inter te.*

Redeo ad Nachor ejusque progeniem, cum qua ut diximus iteratis conjugii Abrahami filius & nepos conjuncti denuo fuere. Batuel Rebecca & Labani pater filius erat Nachor. Filius similiter Nachor erat Cased, a quo progeniti sunt Chaldæi. (a) Chaldæi ergo eadem ac Hebræi stirpe progeniti sunt. Id ita persuasum erat Josepho, ut cum suam gentem a Græcorum calumniis defenderet, se omittendum diceret testimonia scriptorum Chaldæorum, tanquam suspectæ fidei futura, suæque causæ minus idonea, quia *sui generis principes erant, & cognatione conjuncti.* (b) Hic adnotandum est, cum in Scriptura dicitur Abraham egressus esse de Ur Chaldæorum, intelligi de eo loco & regione, quæ postea de filiis Cased illius oræ habitatoribus Ur Chaldæorum vocabatur.

Sunt

(a) S. Hieron. aliq. plurim.

(b) Lib. 1. cont. Apion. τὸ γένος ἡμῶν ἀρχηγὸς ἐστὶ συγγενὴς.

Sunt hæc ut dixi nomina per anticipationem locis attributa. Filius item Nachor primogenitus fuit Hus. (a) Inter posteros Hus vel saltem in regione, quam tenuere posteri Hus, fuit Job luculentum patientiæ exemplar. Loquebatur hic eadem lingua quia Hebræi, ut ostendit ejus liber. In eo dicuntur Chaldæi irruisse in camelos Job, eosque abegisse: ejusdem quippe generis homines finitimas regiones incoluere. Cum itaque posteri Batuel & Hus eundem cum Hebræis sermonem habuerint, eundem etiam videtur concludendum in posteritate Cased, seu in Chaldæis permansisse. Longius sermo noster non procedit, quia Chaldæorum res deinceps in magna sunt obscuritate. Silent enim de iis divinæ Scripturæ, ex quibus solis tam remoti ævi historia colligi potest. Post longam intercapedinem decem aut undecim seculorum nonnulla tandem occurrunt lib. IV. Reg. cap. 18. eademque Isaïæ cap. 36. repetita, quibus argumentari quis posset non eandem fuisse Chaldæorum linguam cum Hebræa. Quid vero inter utramque intersit, clarissime patet ex libris Danielis & Esdræ, in quibus multa, quæ Babylone gesta sunt, Babyloniorum seu Chaldæorum lingua nonnullis capitibus narrantur. Si quis autem diligenter ejus linguæ Chaldaicæ indolem consideraverit, cognosceret parum ab hebræa differre. Pleræque enim voces e communi cum hebraicis radice derivantur, inflectendi ratio non multum ab hebraicis variat, simplicitas & vis orationis eadem est; ita ut qui hebraicam linguam calluerit, minimo labore Chaldaicam etiam intelligere possit. Sanctus Hieronymus (b) Chaldaicam linguam dicit *magna ex parte affinem Hebræicam*. Waltonus *magnam* inquit

(a) S. Hieronym. ex Genes. c. 22.

(b) Prol. gal. in S. Bibl.

quit, *Chaldaica lingua habet cum Hebraea affinitatem.* (a). Oleaster has duas linguas unam eandemque putat fuisse a principio, cum sint admodum vicinae. (b) Idem plane credidit Philo, cum de versione Graeca LXX. Interpretum loqueretur. Dixit enim inculcavitque (c) de Chaldaica lingua graece sacra Biblia fuisse conversa. Vapulat hic vir *disertissimus Judaeorum* a multis tanquam Hellenistes & linguae suae gentilis ignarus, perinde quasi nescierit sacros libros hebraice primo fuisse scriptos: cum contra ipse Graecis suae editurus de indutria maluerit sacros libros & gentilem linguam linguae cognatae notissimo propter vetus imperium nomine appellare. Cum Philone itidem alii sensere Hebraicam, & Chaldaicam linguam eandem esse, ut est apud Isidorum (d). Et Sulp. Severus ex lingua Assyria Samaritanum interpretatur *custodem* (e): ex hebraica idem nobis valet. Praeterea psalmus 136. *argumento* est Chaldaeos multos hebraicum sermonem intellexisse, & poësim quae in omnibus linguis difficilior semper est soluta oratione: quia illis interrogaverunt nos, qui captivos duxerunt nos, verba canticum, & qui abduxerunt nos: *hymnum cantate nobis de canticis Sion.* Familiare nimirum est homini-

(a) Prol. 12. Bibl. Polygl.

(b) Cit. ibid.

(c) Lib. 2. de vita Moïsis. τὸ παλαιὸν ἐγράφησαν τοῖ νόμοι γλώσση χαλδαϊκῇ &c. εἰς ἑλλάδα γλῶτταν χαλδαϊκῇ μεταμύζεσθαι διένευτο Ptolemæus Philadelphus &c. De Moïse Hebræorum legislatore dicit Clem. Alex. Strom. L. 1. Μωϋσῆς ἀνῶθεν τὸ γένος χαλδαῖος ὢν ἐν Αἰγύπτῳ γενῆται τῶν προγόνων αὐτοῦ διὰ πολυχρόνιον ἡμὸν ἐκ Βαβυλωνος εἰς Αἴγυπτον μεταναστεύων. Moïses cum ex alto petita origine esset Chaldaus, natus est in Ægypto, cum majores ejus propter diuturnam famem e Babylone migrassent in Ægyptum.

(d) Lib. 9. Orig. c. 1.

(e) Hist. sacr. L. 2. c. 49.

minibus, si quem nacti fuerint externum, curiosius interrogare de rebus patriis & religiosis. Quod si IV. Reg. c. 18. & Isai. cap. 36. nonnulla dicuntur, ex quibus argumentamur hebræos Chaldaice loquentem non intellexisse, animadvertendum est id dici de populo seu plebe & hominibus a consuetudine exterorum maxime remotis. Tres autem viri a Rege missi omnes Chaldaicam linguam se professi sunt intelligere. Vidimus hic ante annos aliquot scæminas & rusticos hære, cum a militibus Regis Siculi interrogarentur, audivimus profectos aliquando se non intellexisse, quid ii dicerent, cum tamen Itali ad Italos loquerentur. Callide ergo nuncium Regis Babylonii hortabantur, qui ad eum missi fuerant, ut Chaldaice loqueretur, ne omnia quæ ipse nunciabat, capere posset plebs Hebræa. Hebræos autem a consuetudine exterorum hominum semper abhorruisse, clarius est, quam ut a me sit probandum. (a) Novi idcirco ignoti aliorum hominum osiores dicti sunt a Græcis. (b)

Ejus autem differentia, quæ Chaldaicæ linguæ fuit & hebraicæ, causa facile parebit ei, qui distantiam temporum paulisper attenderit. Ab Abraham, enim ad Babylonicam captivitatem amplius mille & trecenti numerantur anni. Tam longa vero ætas quid non efficere potuerit? Quam multas vicissitudines, quam varias rerum mutationes habuerit? Argumento ei rei sunt promiscuæ appellationes Assyrii, Chaldaici (c), Babylonici regni, quibus ab historicis

(a) Justin. lib. 36. *caverunt, ne cum peregrinis communicarent.*

(b) Jos. contr. Ap. lib. 1.

(c) Chaldaei Diodoro Siculo dicuntur antiquissimi Babyloniæ Χαλδαῖοι τῶν ἀρχαιοτάτων ὄντες Βαβυλωνίων. lib. 3. Et Nabuchodonosor primi Templi Hierosolymitani everfor I. Efdr. 5. 12. vocatur Rex Babylonis Chaldaus בְּנוֹךְ צַדְדִּיָּן נְבֻכַדְנֶצַּר Et Joseph lib. 10. ant. c. 11. Ναβουχοδονόσορ Βαβυλωνίων ἢ Χαλδαίων Βασιλεὺς.

ricis primus ille & maximus principatus nota capitis aurei in celebri somnio Regis Babylonici (a) delignatus iis variis nominibus vocatur. Hæc autem varietas nominum vel ex gentibus quæ ceteris imperarunt profecta, vel ex familiis regno potitis, vel etiam ex sedibus imperii mutatis indicat certe plures in unum imperium nationes coaluisse, quod si ne multo tempore multis bellis variarumque nationum militia & convictu fieri non potest. Bella insuper, quibus magna regna diu carere non possunt, hostibus superatis & everfis quantam captivorum vim transferre solebant in ipsam imperii sedem I Testis hujus rei Hebræorum celebris captivitas, testis aliorum populorum Babylonem translatio (b). Quantam hæc ad mutandum Chaldæorum sermonem vim habuerint manifestum omnibus est. Adde his cohortes prætorianorum in custodiam Regis & regnicornis imperii alias ex aliis Babylonem quotannis accitas (c); plurimorum præterea populorum, & dissimilium linguarum frequentiam, quæ ad Regem & aulam non poterant non accedere, in eaque longius identidem commorari. Quamplurimas vero nationes eidem regno subjectas, & potentissimum imperium fuisse, narrant historici in Africam usque & Hispaniam propaga-

(a) Daniel. 2.

(b) Basil. in Isai. c. 13. In fructibus victoriæ numerabatur translatio eorum, qui victi fuissent in regionem victoris, in qua servitutem publicam serviebant. Vide Herod. l. 2. ubi de victoria Sesostris. Et I. Mach. 1. & captivos duxerunt mulieres & natos &c. & c. 6. nisi auferre habitantes Judæam sine causa, inquit Antiochus Epiphanes.

(c) Diod. Sic. lib. 2. κατ' ἐνιαυτὸν μετεπέμπετο στρατιωτῶν ὀρισμένων &c. παραπλησίως δὲ τῷ τῷ καὶ λοιτοὶ βασιλεῖς . . . ἐβασίλευσαν μέχρι Σαρδαναπάδου quotannis certum cuilibet genti militum numerum imperavit &c. ad unum prope annum ceteri Reges regnarunt usque ad Sardaniapalum.

pagatum (a). Nemo ergo miretur, si intra duos tantum versus chaldaicos Danielis (b) quinque voces origine Græcæ occurrunt in Chaldaeam linguam translatae *נָחֵשׁ* *נְחִינָה* *præco*, *נְחִינָה* *נְחִינָה* *cythara*, *נְחִינָה* *נְחִינָה* *sambuca*, (c) *נְחִינָה* *נְחִינָה* *psalterium*, *נְחִינָה* *נְחִינָה* *Symphonia*. Tamen post tot secula in tantarum & nationum varietate Danielis & Esdræ tempore lingua Chaldaica seu Babylonica magnam habet cum Hebræa affinitatem.

Observatio etiam litterarum, quæ sunt linguæ utriusque propriæ, mihi semper persuasit, chaldaicam & hebræam linguam ex eodem fonte manasse. Unaquæque enim lingua aliquam sibi peculiarem litteram habet, qua ceteræ linguæ carent, & cujus pronunciationi litteram quæ plene respondeat, ceteræ non habent, ut est in latina *q*, in Græca *θ*, in hebræa *heth hain* & *tsade*, in arabica *hha*, & aain &c. Ex his fit ut litteræ unius linguæ non possint omnes sonos alterius linguæ exprimere perfecte: quis enim græcè *equum* scribere poterit? aut quis vocem *θεῶν* latinis litteris plene reddet? latini idcirco Deum dixerunt per *d* litteram affinem *τῷ θεῷ*, diversam tamen: sic iidem *חַו* reddiderunt *Hus*, cum *b* neutiquam valeat sonum litteræ *ח*, neque *ז* litteram *tsade* exprimat. Contra vero si de dialectis linguæ alicujus agatur, omnes iisdem litteris apte scribuntur. Sic Arabicæ litteræ dialecto Persicæ, Arabicæ, Turcicæ sufficiunt abunde: Sic Græcæ Attico, Dorico, Jonico sermoni exprimendo pares olim erant; sic denique nos & latina & vernacula verba iisdem litteris exprimimus. Cum ergo litteræ hebrææ verba, & sonum utriusque linguæ Hebraicæ, & Chaldaicæ appo-

(a) Joseph. lib. 10. c. 11. ant. Jud. ex Megasthene &c.

(b) Daniel. c. 3. v. 4. & 5.

(c) Sambucam invenerunt Trogloditæ. Clem. Alex. Strom. l. i.

apposite & plene reddant & exprimant; dicendum est has duas linguas veteris alicujus linguæ dialectos esse.

Hic liceat mihi a lingua ad litteras scripturamque progredi. Si unus sermo Hebræorum & Chaldæorum vetustissimo ævo, si Hebræa & Chaldæa lingua veteris alicujus duæ dialecti sunt, iidem etiam fuere utriusque nationis characteres. Hebræorum vero litteræ usque ad captivitatem Babylonicam eæ fuerunt, quæ nunc Samaritanæ dicuntur, & nemo fortasse est ætate hac, qui istud neget. Eas autem Chaldæis & Babyloniis fuisse communes colligi potest ex Josepho. Narrat is (a) qua ratione Cyrus primo regni sui anno Judæos liberavit. Retulerat Cyro aliquis Hebræus extare in sacris nationis suæ vaticiniis, populares suos exactis LXX. servitutis annis in libertatem asserendos fore per potentissimum Regem; idque ante ducentos ~~amplius annos~~ fuisse prædictum, ipsomet Rege jam tum proprio Cyri nomine compellato: Hæc miratum Cyrum, ut quilibet in re tam insolita fecisset, cupiisse certior fieri; fortasse etiam metuentem, ne qua fraus sibi fieret, voluisse legere (b) Isaiam (c). Si hebraici characteres communes non erant Babyloniis, qui fieri potuerit, id mihi velim explicari. Facile enim quivis sibi persuadet Cyrum linguam & litteras novisse, quæ Babylone imperii sede in usu erant: nemini vero probabile erit Cyrum, qui Persa erat, qui Dario Medo Babylonicum impe-

(a) Antiq. Jud. l. 11. c. 1.

(b) ταῦτα δ' ἴστω Κύρος ἀναγνώσων τὰ βιβλία, ὃ τὰς αὐτῆς προφητείας ὃ Ἰσαΐας κατέλιπεν. Hac autem Cyrus cognovit, cum legeret librum qui Isaiæ prophetiæ continet: & paulo post ταῦτ' ὅν ἀναγνώνα Κύρος &c. Hac cum Cyrus legeret &c.

(c) Qui de Cyro meminit c. 44. in fine & initio seq.

imperium occupanti opem tulit, (a) qui Regi proximus dignitate, qui Rex demum fuit, grandiore natus credidisse hebraicas litteras sibi addiscendas. De rebus sermo est tam remoti temporis, & a tam paucis scriptoribus narratis, ut lector æquus qualibet probatione debeat esse contentus. Quod tamen proposuimus non caret testimonio aliquo veterum monumentorum. Haym (b) duos affert nummos litteris Parthorum signatos. Parthia autem erat provincia primum Babylonici, deinde Persici, postremo Græci in Asia Regni; quæ sui juris effecta propriisque subjecta Regibus tanto imperio fuit aucta, ut cum Romanis diu bellum gesserit varia fortuna & sæpe oppugnata nunquam vinci potuerit. In duobus iis nummis aliquas litteras recognosco veteres hebræas, vel ut dicere solemus Samaritanas. In primo enim clarissime perspicitur lamed hain, iterum lamed figura parum diversa koph. In altero nun vai hain. Quod si nummos illos videre contigisset, dico fidenter plures litteras me fuisse detecturum.

Providi dum hæc dicerem mihi objici posse, præpositum Eunuchorum Danielelem aliosque pueros introduxisse in Regiam, ut eos doceret litteras & linguam Chaldæorum: præterea magos & ariolos legere nescisse tria hebraica verba *Mane Tbekel Phares*, quæ manus ignota coram Balthasare convivium agente scripsisset. Videntur ergo litteræ Babylonicæ ab hebraicis diversæ fuisse. Facilis tamen & plana ad hæc est responsio. Nomine enim litterarum intelligi debet eruditio & doctrina Chaldæorum, quo pacto & nos litteratum hominem dicimus eum, qui non litteras solum sciat, sed ea quæ litteris discuntur; (c) & vox

מנע
תבצל
פארים

(a) Joseph *ibid.* lib. 10. c. ult.

(b) Tom. 1. p. 36. *Tesor Brit.*

(c) Ita etiam bis explicatur in textu Græco Josephi l. 10. c. 11.

קֶדֶר, quam latinus interpres generaliter *litteras* vertit, eruditionem & libros significat aut *litteraturam* (a), non elementa scribendi, quo sensu nusquam hæc vox in sacris Bibliis occurrit. In iis de una tantum littera קֶדֶר sermo est; (b) cui cum adiungatur verbum קֶדֶר *signare* (c), apposite a Judæis litteræ seu elementa vocantur אותיות אוֹתוֹת *signa* seu *characteres*. Additur & *lingua*, dialectus nempe Chaldaica: notum est enim, quam fastidiosæ aures, & quam difficiles oculi semper fuerint Regum Orientalium. Alterum quod obiciebatur, videbitur habere vim aliquam iis solis, qui naturam ignorant & vim linguarum orientalium, quales erant ante inventa puncta vocalia. Nemo tunc legere poterat, quin de suo vocales consonantibus adderet; has nemo poterat addere, quin sententiam scripturæ eodem tempore intelligeret. En inscriptæ patriæ tres voces, singulæ fere tribus consonantibus constantes, singulæ aptæ ad nomen substantivum, ad varia verbi tempora significanda, tres voces, inquam, quæ inter se nullo pacto conveniunt. Cedo hominem, qui in tanta ambiguitate non hæreat. Quæ de multiplici vocationum illarum potestate dixi, non ex grammaticis, & lexico, sed ex antiquis scriptoribus confirmo. Daniel (d) eas tres voces ceu præterita tempora explicat, Iosephus (e) tria nomina substantiva exponit. Neque vero concedam hebraicas voces esse: derivantur quidem a radicibus, quæ communes sunt Hebrææ & Chaldaicæ linguæ, veruntamen in contextu orationis Chaldaicæ sunt, puncta nunc ha-

B

bent,

(a) Ut psal. 70. hebr. 71. v. 15.

(b) Ezech. 9. 4. קֶדֶר קֶדֶר

(c) V. Buxi. Lex. Hebr. in ea voce.

(d) Cap. 5. v. 15.

(e) Lib. 10. c. 11.

bent, seu leguntur more chaldaico, & altera vox pro בִּפְּוֹ habet בִּפְּרָ, quod Chaldaeorum est, qui pro וֹ frequenter וֹ usurpant.

Venio nunc ad Esdram, quem affirmant veteribus antiquatis novas litteras tradidisse. Hic primum quaero cujus testimonio freti id dicant? Esdras enim de hoc nullum verbum, nullum item Josephus facit. Respondebunt de veteribus Rabbinis & Talmude, se accepisse. At quis est, qui nesciat hos aliosque id genus autores nihili esse faciendos? quam incertum & leve sit eorum testimonium? Sed rem ipsam perpendamus. Certum est Esdram rediisse Hierosolyman, anno septimo Regis. Eum Regem Esdras (a) Artaxerxem dicit, Josephus (b) Xerxem. Si Xerxes fuit, jam ab anno sexagesimo Hierosolyman incolebatur a Judæis, qui dimissi fuerant a Cyro. Sin autem Artaxerxem fuisse contenderimus, octogesimus primus annusolvebatur a Hierosolyman restituta. Sequor autem in annis numerandis celebrem canonem Ptolemæi monumentorum hujus generis præstantissimum, qui cum priore libro Esdræ convenire mihi visus est. Quisquis tandem fuerit sive Xerxes sive Artaxerxes, qui Esdram ejusque socios dimisit, Judæa & præsertim Hierosolyman nullo bello nullo turbulento populi motu habitabatur per LX. saltem annos ab iis, qui primo Cyri anno de regione Chaldaeorum numero L. hominum millia in patriam redierant. Neque vero quisquam putet in regionem desertam, & habitatoribus vacuum istos tum rediisse. Habuit Judæa suos incolas ipso tempore captivitatis. Profecto si attendimus divinorum Prophetarum verba, & modos loquendi plenos doloris, quibus ruina Hierosolymanæ Rege

(a) I. Esdr. 7. 8.

(b) lib. 11. c. 5.

Rege Sedecia vel futura prædicitur, vel jam illata narratur, non sola urbs sed tota natio perdita fuisse viderur. Captus enim fuit Rex, proceres regni passim cæsi, imperii sedes universa solo æquata, Templum ditissimum & omnium Gentium pulcherrimum direptum incensum, religio omnis sublata, Pontifices & Sacerdotes vel occisi, vel in servitutem traditi. Verum re ipsa attentius perpenſa agnosceremus animadversiones divinas, ut semper solent, minis etiam tum fuisse mitiores. Si enim summa incatur hominum, non solum Rege Sedecia, sed etiam Joachimo ejus decessore (a) in servitutem perducitorum, XX. captivorum millia aut paulo plura inveniemus. Præter eos, quos bellum & obsidio urbis Hierosolymæ abstulit, in vulgus sævitum non legimus. Ira igitur Regis Babylonici divini Numinis ministra in Regem, in Sacerdotes, in Principes populi, in Urbem nationis caput maxime exarsit, reliquis mortalibus solo Dei cultu externo mulctatis. Legimus in istorum numero Godoliam Hebræum universæ regioni præpositum, & populum in Masphat; tum Hieremiam, Baruch, Habacuch prophetas, postea *Duces militum & principes exercitus*, mox Ismaelem *de semine regio* aliosque insignes viros, deinde omnes Hebræos belli metu huc atque illuc fugatos bello confecto in patriam, reversos, postremo *pauperes terræ* seu regionis (quos nimirum Rex Babylonis timere non posset) *& vulgus urbis Hierosolymæ*, universos in patria terra relictos (b) ut regionem habitarent, & colerent agros, messesque colligerent, quæ statim *multa nimis* (c) fuisse dicitur. Omnes hos vel potius eorum pos-

B 2

ste-

(a) IV. Reg. c. 24. & 25. II. Paral. 36.

(b) IV. Reg. 25. 22. Jerem. 51. &c.

(c) Jerem. 40. 12.

stros in Judæa reperere illa, quæ diximus L. hominum millia Rege Persarum Cyro in patriam restituta. LX. deinde anni, ut dictum est, fluxerunt usque ad Esdras. Hoc intervallo temporis Templum secundum Hierosolymitanum ædificatum & completum est: festa celebrata, sacrificia quotidie peracta, *Sacerdotes in ordinibus suis, Levitæ in vicibus suis constituti, sicut scriptum est in libro Moysi (a)*. Leges ergo Moysi scriptas ad manus habuere. Deinde per eos dies prophetaverunt Aggæus & Zacharias (b) qui ea quæ prophetaverant, etiam scripserunt. Præterea monumenta familiarum & gentium deperdita non sunt (c). Ad Christum enim usque & subsecutam totius Gentis ruinam perduraverunt. Insuper non omnes libri sacri, & publici Hierosolymis tunc fuerunt. Nehemias enim (d) dicitur post congregasse *de regionibus libros & prophetarum & David & epistolas & donaria*. Hisce LX. annis quæro quibus litteris usi sint Hebræi? Enimvero non Babyloniciis. Nemo unus quod sciam hoc dixit. Consequitur ergo vetustis suæ nationis usos fuisse. Consentaneum enim est hanc nationem, quæ ad hæc tempora servaverat antiquam suam dialectum, qua Zachariæ & Aggæi prophetiæ scriptæ sunt, characteres etiam servasse. Interea, dum hoc LX. annorum spatium effluit, plerique qui Babylone venerant, fato functi fuerant; reliqui in Judæa nati. Tum septimo Artaxerxis anno advenit Esdras, quem comitantur MDCC. circiter viri (e) quibus si addiderimus fœminas & pueros, septem, vel octo hominum millia ad summum efficiemus.

At-

(a) 1. Esdr. 6. 18.

(b) Ibid. c. 5.

(c) Ibid. c. 1. v. 62.

(d) 1. Mach. 2. 13.

(e) 1. Esdr. 8.

Atque hac ætate iste fingitur veteres litteras, quæ in usu quotidiano universæ nationis erant, antiquasse, Babylonicas dedisse utendas populo in regione sua jam inde a plurimis annis conluito? sacris civilibusque rebus instauratis in pace feliciter degenti? nulla causa tantæ & tam insolitæ mutationis? Cum plurimi Babylonem non vidissent, cum in reliquis memoriam captivitatis dulcedo pacis & patriæ delevisset? Compertum est nationes multas servitute, diuturna coactas linguam & litteras victoris populi recepisse: nulla tamen erit, quæ suos mores, linguam, litteras cum retinuerit non solum tempore servitutis, sed etiam servitute sublata, posterius mutata voluntate cum eo populo, cui ante servivit, & quem non potest non odisse, aliquid sibi velit esse commune.

Hæc tamen quantum materia patitur ex antiquis scriptoribus collecta parumper misla faciamus: in manus veteres nummos sumamus, qui sunt Judaici populi auctoritate percussi, siclos passim vocitatos. Dicuntur etiam vulgo Samaritani, etsi nihil omnino ad Samariticam gentem pertineant. Signati feruntur plerique cum Simon Machabæus dux & Sacerdos populo Judaico præflet, post captivitatem Babyloniam solutam trecentesimo nonagesimo sexto circiter anno, ante Christum vix centesimo quadagesimo secundo. Legitur enim I. Machab. c. 15. Antiochus Sidetes inter multa, quæ in Simonem contulit beneficia, jus etiam tribuisse eudendæ monetæ (a). In his omnibus nummis leguntur litteræ vetustissimæ Hebræorum: Sicli enim in quibus fuerint litteræ quadratæ nostratium Judaorum, tanquam adulterini ab eruditissimis quibusque rejiciuntur. Si igitur in nummis vetustissimæ litteræ Hebræorum, seu ut

B 3

fert

(a) v. 6. *permitto tibi facere percussurum proprii numismatis in regione tua.* Hinc fit ut multi sicli rei Simonis nomen habeant.

fert inveteratus mos loquendi, Samaritanæ conspiciuntur, sine ulla dubitatione credendum est, iis ipsis nimirum suis, non externis litterarum characteribus usum esse populum Judaicum. Quis enim sibi persuadeat ab ulla Natione, quæ libera fuerit, suisque legibus vixerit, nummos qui ad usus vitæ necessarios in populum spargebantur, præter morem omnium gentium signatos fuisse litteris ipsi populo minime notis? Aut ab Esdra novum scribendi modum, fuisse publice introductum, qui in monetis, quæ publica sunt monumenta, servatus non fuerit?

Quod autem a nonnullis (a) dicitur, Hebræos duplicem scripturæ modum habuisse, alterum quo domi ad res sacras & civiles, alterum quo foris ad commercium cum ceteris gentibus uterentur, id totum nihili puto. Purum enim putum commentum est Rabbiorum quorundam. Supponunt autem nostrates litteras Judæorum fuisse eas, quibus domi utebantur, Samaritanas, quas ad commercium adhibebant. Hoc præterquamquod nullius momenti nititur auctoritate, & magnas habet difficultates & nullam probabilitatem. Quantum ad primum, si nostrates litteræ ab initio Gentis fuerunt in usu, Esdras illas non introduxit: si dixerint Esdram introduxisse, nemini persuadebunt Scribam divino spiritu afflatum, legis diligentissimum servatorem litteras a profano & inimico regno desumptas tradere vel voluisse vel etiam potuisse populo, qui alias haberet, & quod maximum est, sacris rebus admiscere. Quantum ad alterum de Samaritanis characteribus, si illi non erant proprii nationum, cum quibus res erat Judæis, inutiles erant. Judæi enim suos habebant, suos item ceteræ nationes. Si autem erant proprii nationum, fini-

(a) Conring. paradoxa de num. Hebr. c. 6. Capell. Diatr. de lit. Heb.

finitimarum, incredibile est & in rebus humanis inauditum, Rempubicam & Populum liberum viventemque suis legibus commodum & dignitatem nationum ceterarum suæ prætulisse in cudendis monetis: perinde ac si in pecunia recipienda non semper consueverint homines signis & litteris neglectis unius materiæ valorem æstimare. Incredible pariter est Simonem, & alios fortasse Machabæos, quibus tribuntur nummi Judaici, qui ad nos pervenerunt, Pontifices & Principes in Republica Judaica potentissimos, qui monetam cudebant propterea quod *ablatum* contenderent *jugum gentium* (a), gentium ipsarum litteris in monetis usos esse, cum jam suas haberent. Postremo quæro cur Machabæi pecuniam Græcis litteris non signarent illo ævo jam notissimis, totique Orienti communibus? ut ante Simonem Machabæum annos amplius centum fecisse Parthorum Reges Arsacidas novimus, qui neglectis plerumque popularibus litteris pecuniam Græcis signavere.

Novum est item illud, quod ajunt, Hebræos præter litteras suas gentiles, negotiationis & commercii gratia alias habere voluisse. Post homines natos nulla natio fuit, eritve dum homines erunt, quæ minus veteribus Hebræis fuerit negotiata, vel mercatura eguerit. (b) Universos enim Israelitas Deus agriculturæ destinaverat, & a multis artibus abstraxerat, quæ luxuriem alunt, & cum innocenti vita non cohererent. Judæa autem regio quam maxime ferax & opulenta omnia fere, quæ ad victum humanum sunt necessaria, ita copiose suppeditabat (c) ut multa

B 4

ex-

(a) I. Mach. 13. 14. Joseph. l. 13. c. 11. antiq.

(b) Joseph. ἡ ἐμπορία χαίρειν ἔχει τοῖς πρὸς ἄλλως ἐπιμελίαις
non gaudemus mercimoniis neque peregrinationibus. contr. Ap. l. 1.

(c) Ezech. 27. 17.

exportarentur ad exteras nationes, Hebræi paucis indigerent. Quo fiebat ut multo plus auri argenti-que inferretur, quam exportare ad merces externas cõmendas opus esset. Concludam ergo non Hebræos exteris gentibus morem gerere debuisse in signanda pecunia, sed potius finitimis habendam fuisse rationem Hebræorum. Liberalius tamen agamus: demus si placet, Hebræos commercii causa cum exteris gentibus, æs & argentum solitos fuisse ferire, quæro cur appolitæ exterorum ut volunt litteris, suas etiam non addiderint, more finitimarum aliarumque gentium? Video Tyrios suis & Græcis litteris pecuniam signasse: suis item & Græcis signasse Sidonios. Syracusani suas & Chartaginienfes aliquando adhibuerunt, suas & externas aliquando Romani, & Hispani (a) Græci suas & latinas usurpavere: notissimi sunt enim nummi bilingues. Nummum Judaicum qui duo litterarum habeat genera non vidimus. Finem non inveniet sermo, si refutare voluero singulatim omnia, quæ temere a Rabbi-
nis in hanc rem scripta sunt.

Hactenus alienas opiniones convellere conati sumus: nunc nostras brevissime afferemus. Primo igitur nego litteras Samariticas, quibus ante captivitatem Babylonicam usi sunt Hebræi, fuisse ullo tempore publica auctoritate desertas & antiquatas. Sicli enim ut diximus tempore Machabæorum percussî probant in usu fuisse litteras Samaritanas ea ætate; & argumento huic a monentis his deducto nemo hactenus ita respondit, ut illud solveret aut infirmaret. Usos etiam Judæos hisce litteris post Christum, & dirutam funditus a Tito Augusto Hierosolymam arguit Siclus Drachmalis (si tamen certo antiquus est) signa-

(a) Thef. Morell. in gente Fulvia & Afrania.

gnatus nomine Simonis Barcocebæ (a) qui Hadriano Imperatore maximas fecit turbas in Judæa. Quamvis autem solum Simonis nomen habeat, quod Machabæo commune est, non Machabæo sed Barcocebæ tribuitur, quia etiamnum in argento velligia litterarum extant, quæ hanc ipsam monetam indicant denarium Trajani Augusti antea fuisse. Et tu, inquiet aliquis, in hanc ætatem rejicis litteras nostrates Judæorum? Ego vero longe antiquiores censeo, & ante ipsos Machabæos in usum Judæorum venisse. Cum populus Hebræus a ceteris nationibus segregatus sub posterioribus Regibus libi viveret, in lege & sacris codicibus volutandis negligentius egisse nonnulla testantur (b). Post captivitatem vero Babylonicam præsertim instituta Phariseorum secta, (c), quæ notitiam divinarum rerum exquisitiorem profitebatur, multiplicatisque Scribis, quorum erat sacra volumina tractare, Judæi cœperunt legem & sacros libros frequenter ad manus habere & describere, non sine divino consilio tum maxime, cum a Græcis Ægypti & Asiæ dominis bella & incommoda paterentur identidem, crebrisque admonitionibus Prophetarum indigerent ad divinum cultum retinendum. Ex multiplici sacrorum librorum descriptione, & ex quotidiano usu scribendi factum est, ut veteres characteres, qui plerumque non uno aut altero calami ductu constant, paululum immutari cœpti sint, & ad simpliciores redigi formam. Atque hæc mutatio eousque processit, dum litteræ, quas Judæi nunc habent, efformatæ sint; quemadmodum

po-

(a) V. hist. Acad. des inscript. & bell. lett.

(b) II. Paral. 34. 14.

(c) Joseph. ant. Jud. l. 18. c. 2. paulo post Herodis mortem de tribus Judæorum sectis agit, atque ἐν τῷ πάλαι ἀρχαίῳ ortas.

posteriores Judæi ex quadratis litteris characteres, quos Rabbinicos vocamus, effecerunt. Ex observatione diligenti litterarum quæ sunt in scilicet, hæc mihi opinio nata est. Video enim in scilicet nonnullas ex litteris nostratium Judæorum permixtas vetustis; video easdem vetustas litteras aliquando ita esse exaratas, ut a quadratis seu nostratibus distent plurimum, aliquando ita effictas, ut minimum distent: video nonnullas quæ in antiquo alphabeto similes inter se sunt, in nostrate itidem similes esse, ut Daleth & Res, He & Heth: video denique aliquam in utroque alphabeto eandem semper esse. Notatio variarum figurarum cujusque litteræ quam mox afferemus, declarabit id manifeste. Ex his certissime colligo differentiam totam, quanta tandem est inter veteres Hebræorum litteras seu Samaritanas, & eas quas nunc habent Judæi, ex usu & celeritate scribendi, non vero aliunde profectam esse. Ex his pariter explicatur commodè quod ait Origenes: (a) *in accuratioribus exemplaribus Bibliorum Hebraicorum nomen Dei (τετραγράμματος) scriptum esse hebraicis litteris, hebraicis quidem antiquis, non autem hodiernis.* Judæi enim, qui religione quadam se teneri putabant, quin pronunciarent nomen illud, eadem exsistimarunt se impediri quominus illud scribentes litteris recentioribus quodammodo profanarent. Has vero si Eldras θεόπνευτος, aut Synagoga magna introduxisset, non video cur divino nomini scribendo non crederetur idoneæ.

Quæret fortasse aliquis, cur Esdræ mutatio hæc litterarum tributa fuerit? neque enim ex nihilo videtur

(a) In scilicet. in psal. 2. T. 2. p. 539. ed. Monach. S. Maur. ἑβραϊκοῖς δὲ ὡς τοῖς νῦν ἀλλὰ τοῖς ἀρχαίοις. Idem habet S. Basilus de Spir. Sancto c. 18.

tur esse tam vetus & constans opinio. Neminem esse puto in hoc studiorum genere mediocriter versatum, qui ignoret, quam multa a Rabbini inventa tribuant Judæi sacris Testamenti veteris Patribus. Nihil novi antiquis eorum ritibus accessit, nihil in sacris Bibliis describendis est innovatum, quod Moysi, Esdræ, Synagogæ magnæ nolint tribuere. Ipsas Talmudis levissimas traditiones vel ridiculas doctrinas Cabbalæ sacris antiquæ legis Patribus, & scriptoribus referunt acceptas. Ita cum a Scribis & librariis celeritatis causa litteræ veteres in eas, quæ nunc sunt in usu, fuissent commutatæ, maluerunt istud Judæi honesto Esdræ nomine ornare. Turpe enim visum esset nationi superbissimæ, quæ adhuc Liberatorem sibi pollicetur, & regna mente agitat, litteras usu majorum suorum consecratas reliquisse, nisi novis etiam auctoritas accessisset hominis divino spiritu pleni. Hæc autem opinio cum antiquior Origene non sit, idest altero seculo a Judæa capta, dispersa jam & perdita natione sacrisque amissis in servitutem generis humani redacta, non video quomodo vetus dici possit. Sed ne constans quidem videtur appellanda. Quamvis enim plerique Rabbini hoc teneant, non defuerunt inter eos, qui affirmarent characteres antiquos nunquam fuisse mutatos. (a) Alii vero retulere: *Esdræ leviores tantum litteras excogitasse sub nominibus earum, quas eatenus habuerant, quibus velocissime librorum copiam reficeret* (b). Postremo si quis comparaverit litteras Samaritanas, quales sunt in Bibliis Polyglottis Parisiensibus & Anglicanis, cum litteris Siclorum, ab his non minus inveniet differre, quam ab his discrepent quadratæ Bibliorum Judaicorum.

(a) Capell. diatr. de lit. Hebræ.

(b) Beda exp. in Esram lib. 2. c. 9.

rum. Aleph Jod Pe Tsade Tau in libris Samaritanis impressis omnino aliæ sunt ab iis, quas habemus in siclis. Nemini tamen venit in mentem dubitare, num certo tempore vel auctore mutata sint: omnibus enim persuasum est hanc dissimilitudinem litterarum a librariis extitisse. Sic supervacaneum erit ad magna nomina, & publicam auctoritatem confugere, ut ratio reddatur de varietate scribendi apud Judæos, cujus exemplum obvium est in cognata natione.

Accedamustandem ad figuras litterarum Hebræarum, quas desumplimus ex siclis. Duo sunt in Tabella nostra, quorum primus est in Musæo Instituti scientiarum Bononiensis. Ceteros, quibus usus sumus, collegit ex Villalpando, Hottingero, aliisque scriptoribus, & Musæis nonnullis & incidendos curavit Jo. Bapt. Ottius Tigurinus, cum litem de Siclorum inscriptionibus haberet cum Relando. Nonnullos etiam edidit Sam. Deylingius in observationibus sacris in Vetus & Novum Testamentum. Ex his desumptæ sunt litteræ Tabellæ, quas decem & octo deprehendimus; deficiunt enim Zain Teth Caph Samech. Quemadmodum nunc primum littera Pe prodit in lucem, ita venturæ ætates fortasse illas etiam proferent.

Aleph prima & altera in multis siclis reperiuntur. Ex figura alterius nomen inditum litteræ: representat enim cornua bovis, qui hebraice est *q̄n*. Quo nomine vocatum esse bovem etiam a Phœnicibus testis est Plutarchus *sympos. lib. 9. q. 2.* Tertia in Siculo Bononiensi quam simillima quadratæ Eiblorum, Judaicorum.

Beth prima in quarto siculo Ottii argenteo, altera in tercio ejusdem, sursum tamen versa, tertia in Bononiensi. Ut quarto loco allatæ rationem reddam, explicandus est siclus alter Tabellæ nostræ. Est is apud Harduinum *Tab. 7. Tom. 1.* inter ea-

que

quę in Plinium commentatus est, cum illum edidit iterum Parisiis anno 1723. De eo agitur etiam apud Soucietum in dissertationibus Criticis, & pariter est in observat. litter. Veronę impressis Tom.V. Singularis est & maxime insignis; quippe ostendit Hebręos a sinistra ad dextram aliquando scripsisse more nostro; cujus rei unicum est quod equidem sciam exemplum. Hinc legitur *שנת צמת לנאצת ישר* *anno primo redemptionis Israel*. Verba *לנאצת ישראל* pendent a ceteris ex vi phrasis hebraicę: Genes. 7. 11. *בשנת שש כסאת שנה לתת נח* *in anno sexcentesimo annorum vitę Noe*: itemque chaldaicę Daniel. 9. 1. *בשנת צמת לדרוש* *in anno primo Dani* (*a*) & versu seq. *בשנת צמת לקלנ* *in anno primo regni ejus*, & alibi sæpe. Altera pars Sicli facile explicatur, si ut dixi, advertantur voces a sinistra dextrorsum procedere. Sic deprehenduntur tres voces. Prima & altera littera sunt aleph & lamed, *אל* *Deus*: Tertia hain, quarta koph, cujus corpus sive sinus quadratus est, & pes incurvus, & differt a sequenti Res, *אל* *extirpavit eradicavit abstulit*. Postrema vox *נח* sine articulo *נח* occurrit semel in Bibliis psalmo 54. heb. 55. v. 23. Pagninus, & Buxtorfius interpretati sunt *onus pondus sarcinam*; Chaldaeus Paraphrastes habet *כנך*, quam vocem Nubienfis (*b*) pariter explicat *onus tum* a *נח* *portare*. LXX. *μέριμνάν τε: μέριμνα* significat *curam* non *quamcunque*, sed *anxiam molestam affli-*

[*a*] Darium Orientales dicebant *Dariaves*. Herodotus lib. 1. n. 130. monet apud Perlas nomina magnifica delisse in s: Et Strabo L 16. Gręcos corruptisse nomina Barbarorum, & *Δαρίων* d. xisse, cum *Δαριόλιν* oportuisset. Plures ibi emendarunt *Δαριόλιν*.

[*b*] Augustinus Justinianus Ord. Prędic. Episcopus Nubienfis psalterium edidit Genę anno 1516. Hebraice Gręce Chaldaice Arabice cum latina interpretatione cujusque textus, eoque nobili exemplo pręfixit Ximenio, & ceteris, qui Biblia Polyglotta confecerunt.

affligentem, ut ex etymologia definit Servius in 1. *Æneid.* quæ cor uras. Antiqua Versio Italica cogitatum tuum (a): qualem injicere solet vel præfens egestas, vel fames futura, cujus sensus & aspectus non potest non esse horridus, præsertim inexpertis. Sententia ergo inscriptionis est. *Deus eradicavit extirpavit vel abstulit onus vel afflictionem. Anno primo redemptionis Israel.* Confirmat hanc interpretationem illud I. Machab. 13. 41. Anno centesimo septuagesimo ablatum est jugum Gentium ab Israel, & cepit populus Israel scribere in tabulis & gestis publicis anno primo sub Simone summo Sacerdote magno & Principe Judæorum.

Gimel prima in omnibus Siclis: altera in Siclo quarto Deylingii part. 3. Tab. 3. Hæc figura videtur nomen litteræ dedisse a *Ḥ* camelo gibbero animali: tertia in Pentateucho Samaritano.

Daleth in tercio Siclo argenteo Ottii, altera in nummo Sidonio Regis Demetrii musæi Bonon.

He in omnibus Siclis. Cum in litteris Siclorum similes sint he & heth, sunt etiam similes in quadratis nostratium Judæorum.

Vau prima in multis Siclis: altera in Bononiensis: tertia in nummo Sidonio superscripto, quarta in decimo octavo Ottii & repræsentat uncinum: Vau enim latine *uncus uncinus* est: quinta in vigesimo ejusdem.

Zain

Heth in plurimis: altera in decimo octavo Ottii inferne aliquantulum aperta efficiet n: tertia in sexto Deylingii

Terh

Jod in plurimis; altera in decimo septimo Ottii &

& in secundo Tabellæ nostræ non parum mollita, & accedens ad Jota Græcorum: Tertia & quarta in eodem. Puto enim in infima Sicli ora litterulam Jod esse, ita ut sit pars vocis superioris propter angustias de loco suo dejectam *וְיָוֹן* *onus meum, curam meam*. Si quis hoc reprehenderit, quia nominibus cum affixo non solet præponi articulus, facile erit adductis exemplis scrupulum evellere: monendus erit præterea tardiori ætate Machabæorum elegantiam, linguæ minus esse quærendam. Posset tamen quis malle jod initium esse repetitæ vocis Israel.

Caph

Lamed in Siclo Bonon. & alibi utraque: tertia in nummo Tyrio Musæi Bonon. referente hinc caput Herculis Tyrri, de quo mentio est II. Machab. 4. 19. hinc monogramma Urbis & epocham KE & in nummo Sidonio Demetrii Regis. Nomina Urbium Tabellæ apposita sunt litteris Phœniciis accurate descriptis: quarta in sexto Deylingii: quinta in quinto ejusdem; sexta in decimonono Ottii.

Mem in multis siclis: altera in decimo septimo Ottii.

Nun prima in Siclo Bianchinii (*istor. univers.*) secunda in Siclo memorato Academiæ Parisiensis, tertia in septimo & octavo Ottii.

Samech

Hain prima in Siclo Bonon. altera in altero tabellæ nostræ: representant oculum, qui *עין* *bain* hebraice dicitur: tertia & quarta rotundiores in multis siclis: quinta in tertio argenteo Ottii sursum versa, & Pentateucho Samaritano.

Pe in Bononienti tantum: qui primus omnium, quos viderim, figuram hujus elementi habet: ideoque harum rerum amatoribus in numero monumentorum illustrium collocandus. *וּפֶה* *Pe* & *Sin* initia sunt

sunt vocum פֶּסַח *Pascha* seu initium (a) anni *quarti* ab ablato iugo Gentium commemorat nummus. Confirmat nostram interpretationem manipulus, qui in nummo est, primitiarum & frugum in Paschate offerri solitus, quo testabantur Hebræi a Deo se terram uberrimam accepisse. Deuter. 26. *tradidit nobis* (Deus) *terram lacte & melle manantem, & idcirco nunc offero primitias frugum terræ quam Dominus dedit mihi.* In averſa parte *לְפָדוֹת צִיּוֹן* liberationis Sion. Antiochus enim memoratus edixerat *Jerusalem Sanctam esse liberam.* Calix vel urna habens manna designat exitum populi de Ægypto, & iter per desertum. In ultimo Siclo Ottii ex Musæo Formontiano petito videre est manna de cælo cadens in duos calices. Convenit figura hujus litteræ suo nomini. Etenim vox *Pe* est *vultus* vel etiam *acies*. Si hominem non versum aut ad-
versum, sed obliquum aspexeris, videbis hinc caput recta descendere ad cervicem et collum, hinc frontem et nasum eminere, os autem et mentum recedere: has quasi lineas capitis et vultus humani refert hæc littera *Π*.

Uade prima in vigesimo primo Ottii; altera in Bonon. tertia ut puto in trigesimo Ottii; quarta in nummo Tyrio; quinta in Sidonio.

Koph semper eadem est.

Res secunda in altero Siclo tabellæ; tertia in nummo Tyrio. Repeto Daleth & Res in alphabeto hebraico veteri similes esse, in Bibliis Judaicis pariter similes.

Sin utraque in multis

Tau prima in pluribus: altera in undecimo & duobus sequentibus Ottii. E prima figura nomen litteræ datum. *¶* enim *signum* est: et nos cum aliquid etiam imprudentes signamus, duabus lineis decussatim impressis notare consuevimus.

Vo-

(a) Pascha seu mensis et luna, qua Pascha celebrabatur, initium erat anni sacri. *Exod. 12.*



Olenti mihi aliquid etiam de litteris Græcis earumque antiquis figuris dicere obvium est initio, quod multi affirmant Græcos olim sexdecim tantum litteras habuisse: reliquas octo additas fuisse deinceps.

Plinius rem confirmat, atque litteras a Cadmo in Græciam allatas e Phœnice sexdecim numero, quibus Palamedes adjecit quatuor $\Theta \Xi \Phi \chi$, totidem Simonides $\text{ZH}\Psi\Omega$. Initium sit a vocalibus longis H , & Ω . Earum inventor dicitur Simonides cognomento Melicus poeta celebris fato functus, ut testatur Suidas, Olympiade LXXVIII. Habuerant & ante Simonidem Græci earum sonum; verum iisdem litteris E & O breves æque ac longas scribebant. Ad distinguendam ergo pronunciationem introductæ sunt. Illarum tamen figura minime nova fuit. Siquidem H erat antea apud Græcos, valebatque aspirationem, quæ præponebatur solum iis vocibus, quæ nunc spiritu aspero prænotantur, ut infra ostendetur. Ω vero primum fuit O cui supposita erat parva linea; evasit deinde celeris scriptionis gratia Ω , qua nunc utimur. Commodè nummi Sicilienses ostendunt, has vocales longas non multo ante Olympiadem superscriptam usurpari coeptas esse. Syraculis enim diu vixit Simonides, & Hieroni, qui post fratrem Gelonem, in Sicilia regnavit, familiaris fuit. Erit, ut opinor, operæ pretium confirmare monumentis antiquis ea, quæ scriptores habent, & vicissim horum auctoritate,

C

quan-

quantum fieri potest, ætatem indicare aliquot nummorum, qui unum urbis nomen habent.

Primus in musæo Bononiensi & antiquissimus est nummus Messanensium argenteus didrachmus, in quo est hinc vox DANKLE & Delphin, hinc area, in novem partes, seu hortus in novem areolas distinctus, quarum media Casti fructum habet. Castus autem planta peculiaris erat Siciliæ, cujus Theophrastus (a) meminit: & Athenæus (b) in alias regiones translata putat nostratem Cinarum, vel Carduum altilem esse. Ostentabant nimirum Zanclei, qui Messanenses postea dicti sunt, hisce piscis incurvi & Casti argumentis opes, quibus se natura donasset, portum videlicet pulcherrimum, & agrum, communibus & peculiaribus frugibus feracem. Nummum primus edidit Paruta non nihil discrepantem: loco enim scaliæ (sic enim Siculi fructum hunc nuncupabant) caput habet humanum. Mentionem ejus facit etiam Montfaucon in Palæographia Græca, & judicat *diu ante rem Romanam cūsum*. Vescor tamen, ut id persuadeat veterum monumentorum studiosis. Hi enim negant nummos tantæ antiquitatis supersesse, & omnium vetustissimos esse opinantur nummos Amyntæ Macedonum Regis, quem nonnulli Cambyssi & Dario Hystaspis filio æqualem putant, & Olympiade LXIX. fato functum esse, dicit Eusebius in Chronico, idest circa annum Romæ Conditæ CCLIV, cum tamen alii in seculum sequens ejus tempora rejiciant (c). Non aberramus a proposito, cum querimus, quid statui possit de ætate nummi.

Satis

(a) Hist. pl. lib. 6. c. 4.

(b) Lib. 2. dipn.

(c) Ex Justino lib. 7. qui Regum Macedoniæ seriem multo breviorē affert & Amyntam sextum a Carano primo Rege statuit. Si quis tamen sentiret, nummum Amyntæ spectare ad alterum, qui fuit Alexandri M. avus, non ita facile esset eum probabili ratione de sententia sua deducere.

35

Satis constat Messanam olim dictam esse Zanc-
 clam: qua vero occasione Messanæ nomen adepta sit,
 multi tradidere. Thucydides initio libri VI. de bello
 Peloponnesiaco in Siciliam translato acturus populos
 ejus insulæ describit, urbesque in ea sitas. Messanam
 ait dictam antea a Siculis populari vocabulo Zanc-
 clam, seu falcem a figura littoris, in quo jacet. Alii
 atque alii populi Cumæi Italia, Chalcidenses Euboeæ,
 profecti, demum Samii urbem tenuere. *Nec ita mul-
 to post Anaxilas Rheginorum Tyrannus exterminatis Sa-
 miiis urbem promiscuis hominibus frequentem reddidit, &
 a sua quondam patria Messenem (seu ut fert Dorica
 dialectus Messanam) appellavit.* Pausanias in Messen.
 totam rem multis persequitur. Τὸς δὲ Σαμίους Ἀναξίλας
 Ρηγίνοιον τύραννος ἢ πολλὰ ὕστερον &c. Anaxilas, inquit, Rhe-
 gii Tyrannus pronepos fuit Alcida midæ Messenii,
 qui olim se contulerat Rhegium popularibus suis pri-
 mo Messeniaco bello a Spartanis devictis. Cum au-
 tem postea Messenii contra Spartanos bellum redin-
 te grassent, eoque multis annis gesto rursus succubu-
 issent, & solum vertere compulsi errarent sedibus in-
 certis, Anaxilas misit, qui Gentiles suos in Italiam,
 accerferet: hospitio receptos docuit, perpetuum sibi
 esse bellum cum Zancleis, qui possiderent uberem
 agrum, urbemque opportuno Siciliæ loco; hæc om-
 nia consecuturos, si sua opera uti velint. Probato
 consilio Messenii in Siciliam traducti prælio terrestri,
 Anaxilas navali fudere Zancleas. Victi victoribus
 urbem & domicilium communicare coacti sunt: ὧμα
 δὲ τῇ πόλει μετέθεσαν Μεσσηνίῳ ἀντὶ Ζάγκλης καλεῖσθαι, &
 mutato nomine Zancclam Messenem appellari. Hæc Pau-
 sanias. Quo Messanæ nomine deinde nuncupata est,
 donec Mamertini Italica gens, quæ sub Agathocle,
 stipendia meruerat, vi occuparunt urbem (a) vel ut

alii referunt (a) in eam ex conventu recepti sunt, & in unum populum coalescentes potius Mamertini (b) quam Messenii vel Messanenenses dici voluerunt. Inde secutum est primum bellum Punicum & tempora notiora. Adventus Messeniorum in Siciliam a Pausania collocatur in Olympiadem XXIX. *Hæc gesta sunt undetricesima Olympiade, qua iterum vicit Chionis Lacon Archonte Athenis Miltiade.* Additamentum Olympionicæ & Archontis vicesimam nonam ipsam Olympiadem ita confirmat, ut nulla subesse possit suspicio de librariorum errore. Et Pausanias illa contigisse omnino censuit ætate a communi hominum recordatione valde remota. Alibi enim (c) ut probaret, quendam inter artifices antiquissimos esse numerandum, fuisse illum ait antequam Zancle nomen Messanæ esset inditum; & paulo ante ἐπίγραμμα τὸ ἀρχαῖον inscriptionem, quæ Messeniis (d) pueris posita erat, veterem appellavit inter infinita monumenta per multa subinde secula Diis & hominibus in Eliade constituta.

Pausaniæ videtur adstipulari Justinus, cujus locum ex lib. IV. totum opus est describere, ut ratio temporis constet. *Sicilia a principio patria Cyclopium fuit: quibus extinctis Æolus regnum insula occupavit: post quem singulæ civitates in tyrannorum imperium concesserunt* Horum ex numero Anaxilaus (e) justitia cum ceterorum crudelitate certabat, cujus moderatio baud mediocrem fructum tulit. Quippe decedens cum parvulus

(a) Fest. V. Mamertini & except. lib. ar. Diodor. Sic.

(b) Strab. lib. 6.

(c) In Eliac. pr.

(d) Amalæus noster inopportune Mamertinos vertit, qui Græce sunt Μεσσηνῖαι.

(e) Anaxilas Anaxileus: varietas ejusdem nominis ex differentia dialectorum profecta.

vulos filios reliquisset, tutelamque eorum Mycisto spectataz fidei servo commississet, tantus amor memoria ejus apud omnes fuit, ut parere servo quam deserere filios Regis mallent Imperium Siciliae etiam Chartaginienses tentavere: Ad postremum amisso Hamilcare cum exercitu quievire visli. Vides hic Anaxilaum ætate anteire adventum Chartaginiensium in Siciliam, & postremo loco poni pugnam ad Himeram, qua Hamilcar periit, & Pœni a Gelone fusi sunt. Cum itaque ex illa Pausaniæ sententia Messenii dicantur venisse in Siciliam, novumque Messanæ nomen imposuisse Olympiade XXIX. quæ in annum Romæ Conditiæ circiter nonagelimum incidit, annis prope superioribus, pauloque ante eos dies cudi potuit noster nummus. Non video ergo, qua ratione statuatur ex appellatione urbis Zancleæ nummum diu ante rem Romanam, cufum.

Malim equidem, si per ceteros rerum Græcarum, Scriptores liceret, in ea esse sententia, quæ nummum antiquitate parem primis Romæ Regibus faceret. Neque me deterreret ipsa nummi elaborata concinnitas antiquitate tam longinqua. Quis enim est, qui ignoret quanto ingenio ad artes omnes excolendas Siculi abundaverint? Militaris virtutis specimen clarissimum suppeditat Gelo, qui Pœnos ad Himeram non minori gloria vicit, quam Pausanias & Themistocles Persas eodem tempore fugarunt, cum illi interea prudentiam Gelonis imitari post victoriam nescissent. (a) Sin autem pacis quam belli malumus exempla, habemus eloquentiam Gorgiæ & Tisliæ Leontinorum, quos cum apud se publice elocutos audivissent Athenienses jam tum ingeniosi & eloquentiæ dediti, obituisse dicuntur. (b) Athletas etiam plurimos habue-

C 3

re

(a) Diod. Sic. lib. 11.

(b) Id. lib. 12. Pausan. Eliac. post.

re Siculi certaminum in Olympia victores. Immerito ergo putaremus horum majores nescisse pecuniam asfabre signare. Verum auctoritas Herodoti & Diodori Siculi in causa est, cur multo tardius hæc contigisse credamus, quam Pausanias scripserit. Is enim non procul aberat ab ætate, qua hæc contigerunt, ut dicemus, & alterum Siculas res novisse, & scripsisse accuratius probabile est.

Herodotus meminit urbis Zancle libro VI. quam a Samiis occupatam refert hortatore Anaxileo Rhegii Tyranno, cum forte fortuna vacua esset habitatoribus ad bellum profectis: Zancleæ auxilium ab Hippocrate Gelæ Tyranno implorantes prodiri Samiis turpiter fuerunt, & Scythes antea Zancleæ Tyrannus ad Darium Hytaspis Regem Persarum confugit. Ita Zanclem Samii tenuere. Narrantur hæc ab Herodoto ante pugnam Marathoniam, idest ante annum tertium Olympiadis LXXII. seu annum Romæ Condite CCLXIV. paucis post annis quam Anaxileus Tyrannidem Rhegii occupaverat. Iterum libro VII. illata mentione de Cadmo quodam in Græciam misso a Gelone Syracusanorum Tyranno memorat urbem Zanclem, additque Ζάγκλην τὴν ἐν Μεσσηνίᾳ μεταβαλλῶσαν ὀνόματι, Zanclem in Mesσανam nomine commutatam. Suae sunt & huic loco indicia Chronologica: legati nimirum Græcorum, qui ad Gelonem venerant oratum, ut sibi ferret opem contra Xerxem, itidemque Hamilcar Pœnus in Siciliam cum fortissimo exercitu profectus, cui filios suos Anaxilas obsides dederat; annus videlicet erat, qui proxime præcessit celeberrimas pugnas Salaminiam in Græcia, & Siculam ad Himeram, seu primus Olympiadis LXXV. Urbis conditæ circiter CCLXXIIII. serius quam, Pausanias scripsit annos centum octoginta quatuor. Cum hæc agerentur, Herodotus vivebat. Gel-

lius (a) enim e Pamphila (b) ait Hellenicum annos natum LXV. Herodotum LIII. Thucydidem XL. cum coepit bellum Peloponnesiacum. Hujus initium, nonnulli referunt in Olympiadem LXXXVII. alii in sequentem rejiciunt: utcumque res sit Herodotus quamvis tum puer in vivis erat, & hæc a pluribus non potuit non intellexisse, præsertim cum Thuriis diu vixerit, (c) quæ urbs Rhegio & Messanæ proxima erat.

Diodorus in Olympiadem LXXVI. collocat mortem Anaxilæ Rhegii & Zancleæ Tyranni post decem, & octo integros annos quam imperare coeperat. Ejus filii in tutelam Mycitho traditi dominationem tenuere usque ad annum IV. Olympiadis LXXIX. quo a Civibus imperio & urbe ejecti sunt. Hactenus Zancleam & Zancleas dicit Diodorus: mox Messanam Urbem & deinceps cives Messanenses semper appellat. Non ergo ab Anaxila, inquiet aliquis, sed aliquandiu etiam post ejus mortem nomen Messanæ datum est: Quemadmodum enim Diodorus Messanam vocat solum post expulsos a tyrannide filios Anaxilæ, si Anaxilas urbis nomen mutasset, jam tum Messanam Diodorus dicere coepisset. Insuper ab Anaxila & Messeniis ita potuit Zancle novum nomen trahere, ut veterem etiam appellationem retineret, eodemque tempore & Zancle diceretur & Messana. Hinc Plinius (nihil enim dissimulo) nominat *Zancleas Messeniorum in Siculo fressa* (d). Verum esto: fuerit Diodorus in ea sententia: putaverit nomen Messanæ tributum, esse solum post expulsos Anaxilæ liberos. Non continuo tamen sequitur deferendam videri sententiam, Herodoti Thucydidis & Pausaniæ, qui novam hanc

C 4

nun-

(a) Not. att. lib. 15. cap. 13.

(b) Pamphila foemina Ægyptia historiam miscellam conscripsit: de ea Phot. Cod. 185.

(c) Strabo lib. 14.

(d) Hist. lib. 3. c. 8.

nuncupationem Anaxilæ tribuerunt: quorum auctoritas gravissima est, & ætas Herodoti & Thucydidis rebus, quas narraverunt, proxima. Deinde quia Diodorus Zanciam etiam post mortem Anaxilæ dicit, non idcirco arguendum est, eum putasse tum solum Messianam dictam fuisse. Solent enim historici vel minus esse religiosi, vel minus diligentes in hujusmodi appellationibus urbium vel locorum pro rerum & temporum varietate usurpandis. Ita in Eusebii Chronico, ne longe ab hac eadem urbe petatur exemplum, tum cum primum conderetur, Messana vocatur, & tamen Messanæ nomen solum multis post seculis accepit: quod nulla ratione credendum est vel Eusebium vel Hieronymum ignorasse. Præter quam quod discrimen trium aut quatuor Olympiadum (tot enim sunt a Tyrannide Anaxilæ ad popularem statum a Zancleis restitutum) tanti non est, ut a sententia, quam constituimus, nos dimovere possit. Nemini enim in veteri historia vel leviter versato ignotum est, res & tempora Græcorum, quæ Philippum Macedonem antecedunt, & speciatim peculiaria Urbium gesta, quippe hominum sermone plerumque tradita posteris, nemini ignotum est, quam varie narrentur a scriptoribus, quantisque temporum difficultatibus plena sint. Cum igitur de paucorum annorum numero sit differentia, nihili eam facere licebit. Quod autem e Plinio allatum est, majus momentum habet: videtur enim Zancle nomen adhuc sub Vespasiano Augusto superfuisse. Cui argumento ut respondeam, nonnulla ex libro VI. Strabonis perpendenda sunt: ex quibus constabit qua ratione intelligenda sint, quæ de urbibus Siciliæ Plinius habet.

Strabo dum Siciliam describit, brevissime bella Romanorum in ea gesta commemorat Punica & Civile, quibus primo vastitas, deinde solitudo insulæ allata

lata est. Excisæ & desertæ dicuntur plurimæ urbes, quarum vestigia tantum restabant. Naxus, Megara, Morgantia, & Camarina in eo numero fuerunt: & paulo infra, incolas non amplius habere Himera dicitur, non Gela, non Callipolis, non Selinus, non Euboea, non aliæ plures. Ut huic malo remedium afferrent Romani *Τά τε ἔρη καὶ τῶν παιδίων τὰ πλεῖστα &c.* Montes & campestria plurima equorum pastoribus, bubulcis, & opilionibus fruenda præbuerunt. Colonie pariter deductæ sunt Panormus, Syracusæ, Messana, Catana, aliæque, quibus tamen rebus omnibus actis infrequens adhuc fuisse Sicilia videtur. Additur enim *καὶ δὴ καὶ καλὴν αὐτῷ ταμῆον &c.* Romæ horreum Siciliam vocare: huc enim omnia ibidem nata comportantur, exceptis paucis quæ incolarum usus absument. Hæc Siciliæ facies Strabonis ætate, qui in ea urbes & oppida numerat omnino viginti. At vero cum Plinium legimus, reserta populorum Sicilia & plena incolarum occurrit. Habitabatur Himera, & Megaris, & Camarina: inter stipendarios Populi Romani numerabantur Naxii, Selinuntii, Gelani, Murgentini, aliique. Colonia in Sicilia, ait Plinius, (a) *urbes & oppida LXXII.* Cum itaque Zancle Messeniorum sub Vespasiano Aug. commemorantur, credendum est in agro Messanensi oppidum aliquod restitutum fuisse, cujus incolæ Zancleæ a vetustissima urbis appellatione nomen haberent, quemadmodum plures urbes & oppida Plinii tempore instaurata fuerant, quæ ante centum annos nullos incolas habuerant. Ceterum Strabonis ætate Zancleæ nomen jamdiu antiquatum erat: *κτίσμα, inquit, ὃ ἐστὶ Μεσσηνίων &c. Ζάγκλη πρότερον καλούμενη.* Messenem condidere Messenii, qui Peloponnesum habitant, a quibus & nomen mutuavimus: namque prius Zancle vocabatur. Secus res cecidit, cum Mamertini urbem occuparunt. Utraque Messanæ & Mamertinæ

ur-

(a) loc. cit.

urbis appellatio tunc servata est, & utriusque nominis usum promiscuum passim apud historicos videre est.

Ut in viam tandem redeamus, quæ ab Herodoto, Thucydide, & Diodoro narrantur, ad rem nostram spectantia ita componi possunt, & in Olympiadas referri.

	Anno	Olympiade
Anaxilas imperare cœpit	3	71
Samii fugientes Persas Zanclam veniunt hortatore Anaxila. <i>Herod. lib. VI.</i> anno qui præcessit pugnam Marathoniam: is est	2	72
<i>Nec ita multo post</i> , ut inquit Thucydides, Anaxilas exterminat Samios; conjunctis viribus cum gentilibus suis Messeniis Zanclam capit, ut credibile est		73
Zancla jam nuncupata Messana. <i>Herodot. lib. VII.</i> anno, quo Salamina pugna contigit: est is annus	1	75
Gelo-Syracusanorum Tyrannus, post Siciliæ Rex moritur. <i>Diodor. lib. XI.</i> Hiero frater succedit Geloni	3	75
Anaxilas completis XVIII. annis tyrannidis moritur relictis filiis. <i>ibid.</i>	1	76
Mycithus filiorum Anaxilæ tutor ratione reddita in Græciam abir. <i>ibid.</i>	2	78
Simonides Melicus moritur <i>Swid.</i>		78
Liberi Anaxilæ dominatu pulsi. <i>ibid.</i>	4	79
		Re.

Relatis in suos annos rebus Messianæ gestis idem agendum est in nummis ejusdem urbis. Hoc præstatum præcipue beneficio vocalium longarum, quæ, ut diximus, inventæ sunt a Simonide, ceterisque litteris adjectæ circa tempora Gelonis Sicilia Regis. Fidem hujus rei faciunt nummi Gelonis, qui inscribuntur ΓΕΛΩΝΟΣ per Ω, quique antiquissimi sunt omnium, in quibus vocales longæ legantur.

Ante Olympiadem LXXIII. qua Messenii Zanclem venerunt, cusus est nummus, cujus initio mentionem fecimus. Habet enim DANK ΛΕ seu ΖΑΓΚΛΗ, quo nomine ea urbs ad hanc usque Olympiadem vocata est. Quam pridem vero cusus fuerit, difficile est definire.

Post occupatam urbem a Messeniis seu ab Olympiade LXXIII. videntur cusi argentei tetradrachmi, qui in antica parte currum habent a mulabus tractum, in postica leporem, inscribunturque ΜΕΛΛΕΝΙΟΝ (α) itidemque alii, qui a superioribus in hoc solum discrepant, quod currus a singulari equo trahitur. Cusi sunt etiam per eos annos nummi ejusdem ponderis & typi, qui ΜΕΣΣΑΝΙΟΝ habent, cum Messenii seu Messanenſes assueſcerent Doricæ linguæ & characteribus litterarum, quæ in usum Siculorum veniebant. Hi omnes, cum vocales longas non habent, signati creduntur ante Gelonem a Siculis renunciatum Regem. Regnante vero Gelone, vel post Gelonem receptis jam & usitatis vocalibus longis signati sunt reliqui nummi, quorum inscriptio est ΝΩΙΝΑΣΣΑΜ vel ΜΕΣΣΑΝΙΟΝ. Hi vero, qui ΜΑΜΕΡΤΙΝΟΝ habent, post Agathoclem sunt percussi, & spectant ad eandem urbem in potestatem Mamertinorum redactam.

Illud

(α) Explicat hos nummos ex Aristotele Julius Pollux lib. 5. c. 72. aitque Anaxilam Rheginum cum Olympia vicisset curru, & aliusset in Sicilia lepores, qui antea non erant, utrumque monetæ insculpiſſe.

Illud hic omittendum non est, Messanenſes ita ſub tyrannide Anaxilæ fuiſſe, ut ſub imperio etiam Gelonis eſſent. Gelo enim poſt Himerenſem pugnam devictis Carthaginienſibus totam tibi Siciliam ſubjecit, *Æliano* teſte πᾶσαν ὑπ' αὐτὸν Σικελίαν ἐπαύσατο. (a) Idcirco eandem orthographiam ubique in uſu fuiſſe probabile eſt. Idem in nummis etiam indicatur. Nummus Syracuſanorum eſt apud Parutam, qui in antica parte caput habet diademate ornatum, cui appoſitus eſt tripus & vox ΣΥΡΑΚΩΤΩΝ, in poſtica leonem & clavam. Nemo non exiſtimavit caput Gelonis eſſe, & tripodem eum, quem *Diodorus* reſert aureum XVI. talentorum Delphos miſſum a Gelone & Apollini dicatum; ita cupidis gloriæ etiam per ea tempora hominibus, ut ſi quid magnifice feciſſe ſibi viderentur, id quam ſæpiſſime poterant, gloriſe oſtentarent. Idem nummus paulo poſt occurrit nomine ΜΕΣΣΑΝΙΩΝ inſcriptus. Si Meſſanenſes ſub imperio Gelonis non fuiſſent, non video cur ejus imagine pecuniam ſignaſſent, præſertim cum ne ſui quidem tyranni Anaxilæ vultu ſignare mos eiſdem eſſet.

Quantum ad litteram Z ſpectat, ex ſupraſcripto nomine DANKVE manifestum eſt illam litteram, ſeu potius litteræ figuram apud veteres Græcos non fuiſſe, ut *Plinius* monuerat. Eadem caruerunt etiam antiqui latini: ſcripſerunt enim *Medentius* pro *Mezentius*, teſte *Prifciano*. Videtur autem primo a ſimplici n coepiſſe diſcerni præpoſito Σ, ut in nummo Troezeniorum ΣΔΕΤΣ ΕΛΕΤΘΕΠΙΟΣ; (b) deinde expreſſam fuiſſe per veterem figuram litteræ Σ qualem videmus in inſcriptione Sigæa & Bimardiana, & tanquam novam litteram ceteris acceſſiſſe. A ſono ejusdem litteræ Σ
non

(a) Var. hiſt. lib. 6. c. 11. Vide *Diodor.* lib. 11

(b) Goltz. Græc. Tab. 10.

non multum abfuit, quod probant illa, ΖΜΥΡΝΑΙΩΝ in nummo Smyrnæorum, ΚΟΖΜΩ in celebri infcriptione Palmyrena &c. Et viciffim in alio nummo est ΚΛΑΕΟΜΕΝΗ urbs in Jonia pro Κλαζομένη (a) In eo nomine DANKLE obiter notanda est Ν quam posteriores Græci cum erat ante ΓΚ & Χ ignotam nobis ob causam verterunt in Γ.

Υ a Simonide fimiliter inventa vocalibus longis paulo antiquior est. In nummis enim Selinuntiorum, apud Parutam est ΖΑΥΤΗ vel ΗΥΡΑΣ. Ejus autem figura compolita est ex Π & Σ colligatis.

ΘΕΦΧ quarum inventio tribuitur Palamedi videmus in antiquiffimis monumentis præter ε quæ cum in Atheniensi Nointeliana infcriptione (b) debuiffet esse, pro ea ΧΕ fuit, quia Athenienses nondum eam receperant.

De litteris generatim Plinius hæc habet. (c) *Litteras semper arbitror Affyrias fuisse: sed alii apud Ægyptios a Mercurio, ut Gellius, alii apud Syros reperi-
tas volunt. Utique in Græciam intulisse e Phœnice Cad-
mum sexdecim numero. Quibus Trojano bello Palamedem
adjecisse quatuor hac figura ΘΕΦΧ. Totidem post eum,
Simonidem Melicum ΖΗΨΩ: quarum omnium vis in nostris
recognoscitur. Aristoteles Χ. & VIII. præstas fuisse ΑΒΓΔΕ
ΖΙΚΛΜΝΟΠΡΕΤΤΦ: & duas ab Epicarmo additas
ΘΧ quam a Palamede movit. Quatuor nationibus ait
Plinius tribui gloriam magnam inventionis litterarum,
Assyriis, Ægyptiis, Syris, Phœnicibus. Satis commo-
de fit, ut cum his omnibus res aliqua fuerit Hebræ-
is. Communes enim litteras & linguam cum Assyriis
feu Chaldæis habuerunt, ut dictum est: diu vivere
in Ægypto, Syriæ pars Judæa fuit, & Phœnicibus
finitima. Ex vetustis litteris Hebræorum natas seu
for-*

(a) Wilde Tab. 29.

(b) Tota describitur in antiquitat. Gall. scil. Maffei Viri. Cl.

(c) Hist. nat. lib. 7. c. 56.

formatas esse litteras Græcorum probat luculenter Tabella nostra, in qua hebraicis similes sunt vetustissimæ quæque Græcorum. Cumque veteres uno consensu tradant a Phœnicibus in Græciam litteras esse allatas, videtur sequi easdem fuisse olim Hebræorum & Phœnicum litteras. In Græciam usque fama percrebuerat Phœnices, qui attulerant Græcis litteras, non esse earum inventores, sed ab aliis accepisse: *Φαὶ τὰς Φοίνικας ἐκ ἐξ ἀρχῆς ἐπύειν* (a) & Tacitus. *Phœnices intulisse litteras Græciæ, gloriamque adeptos tanquam repperint, quæ acceperant*: acceperant videlicet ab Hebræis, qui sub nomine Syrorum latent apud Diodorum ibidem. *Σύροι μὲν ἔφεροι γράμματα πρὸς αὐτὸν &c.* Syri litteras invenerunt: ab iis autem edocti Phœnices Græcis tradiderunt, hi nimirum qui cum Cadmo in Europam navigaverunt: Puto autem hanc famam de inventione litterarum apud Hebræos idcirco mansisse, quod illi omnium Gentium primigenii fuere, quod clarissime testantur eorum libri sacri.

Quamvis autem Phœniciæ litteræ, quæ hodie occurrunt in nummis Tyri et Sidonis, discrepent multum ab hebraicis, credendum est mutatas esse lapsu temporis, quemadmodum Samaritanæ mutatæ esse, deprehenduntur, cum tamen communis opinio sit, etiam Samaritanos usos antiquis litteris Hebræorum fuisse. Certe S. Hieronymus (b) affirmat litteram, *Tau* figuram crucis olim habuisse, quæ in veteri alphabeto Hebræorum est, in Samaritano nunc desideratur. Unde maximo in errore versari patet eos, qui cum hoc argumentum tractarent, Samaritanum Alphabetum descriptum ex codicibus sibi proposuerunt tanquam exemplar, ex quo desumptas ostenderent

(a) Diod. l. 5. Tacit. lib. 11.

(b) in Ezech. c. 9.

rent veteres litteras, quæ in Græciam ætatibus fabulosis translatae sunt.

Sexdecim vulgo dicuntur litteræ, quas initio Græci ab Hebræis habuerunt. Totidem forte Hebræorum erant per eos dies. Nemo sex litteras $\chi \psi \tau \rho \iota \eta$ paulisper attendet, quin intelligat sine his Hebræorum sermonem potuisse exprimi, tantumque adjectas esse plenioris soni gratia. Aliis subinde litteris auctum est alphabetum Græcum. Aristoteles supramemoratus decem & octo priscas fuisse dicit litteras, additis scilicet z & ϕ . Viginti litteras habuit alphabetum Epicharmi: totidem qui marmor Sigæum, (a) vel aliud veteris Athletæ a Bimardio (a) editum inscripserunt, habuisse crediderim. Inscriptio Nointelii Atheniensis viginti una exaratur. Tzetzes (b) primo sexdecim, mox decem & novem, tum XXII. demum XXIV. fuisse dicit. Ita a populis Græciæ variatum est, ut alii plures, pauciores alii litteras haberent. Samii & Jones (c) omnium primi XXIV. litteris usi sunt, Athenienses omnium postremi Olympiade nonagesima quarta Archonte Euclide. (d) Nointeliana enim inscriptio Olympiade LXXX. vel etiam post exarata caret $\pi \psi$ & Ω cum tamen hæc vocalis sit in nummis Gelonis, & Ψ in antiquioribus Selinuntiorum. Ita alphabetum Ionicum primum ad omnes Græcos, postea simul cum lingua ad omnes Gentes dimanavit. (e) Tum numerus litterarum & figuræ, & ut planius loquar, alphabeta varia diligentius notata

(a) Primum editum est a Chisull, alterum a Bimardio in Thef. nov. inscrip. edito Mediol.

(b) Chil. 11. poet. 398.

(c) Suid. v. $\Sigma\alpha\mu\iota\omega\nu$ & $\delta\eta\mu\omega\varsigma$: Samii autem Jonibus adnumerabantur.

(d) Euseb. in Chron.

(e) Plin. l. 7. c. 57.

tata sunt, & a Gentibus, quæ iis usæ sunt, cognominata. Hinc apud veteres auctores litteræ Cadmææ, Pelasgicæ, Atticæ, Jonicæ.

Super quibus animadvertendum est, cum Græci dixerunt a Cadmo sibi litteras fuisse traditas, uni tantum homini acceptum retulisse, quod a pluribus ut ego sentio, traditum fuerat, unumque Cadmum, prædicasse. Solebant enim antiqui Græci uni tribuere quod plurium hominum fuerat. Ita ex multis Regibus, qui sapienter imperaverant, unum Jovem fecere, & ex pluribus viris fortibus vel ducibus, strenuis commenti sunt unum Herculem vel Bacchum. Idem de Cadmo dicendum est. Non confugiam ad antiquas historias, ut confirmem non semel datas Græcis litteras, & plures Cadmos fuisse. Non commemorabo Cadmum Agenoris, qui litteras in Græciam e Phœnice primus dicitur intulisse: non alium quem ferunt una cum Danao se præbuisse ducem in Græciam hominibus ex Ægypto ejectis (a) eodem tempore, quo Moses magnam mortalium multitudinem eduxit in Palæstinam. Non abhorrent hæc a proposito nostro: sunt tamen paulo obscuriora. Litteræ ipsæ, quas in manibus habemus mihi sunt argumento rem litterariam, (b) ex Oriente non semel fuisse translata in Græciam. Traditum est, inquit, Græcos utendas accepisse sexdecim litteras. Probe. Quid si septemdecim ex hebræis formatae sunt? Præter illas enim quindecim, quas in Hebræis facillimum est recognoscere, H & T pariter ex hebræis profectæ sunt certissime, illa ex heh, hæc ex hain. Si igitur non sexdecim,

tan-

(a) Excep. lib. 40. Diod. edit. Vechel.

(b) Οἱ Φοίνικες . . . ἐσέγαγον διδασκαλίαν ἐς τοὺς Ἑλληνας καὶ διὰ καὶ γράμματα &c. Phœnices . . . cum doctrinas multas in Græciam introducere, tum vero litteras &c. Herod. lib. V. Vide etiam quæ habet Euseb. præp. Evang. lib. 1.

tantum, sed septemdecim litteræ Græcæ ex Hebræis originem traxere, perspicuum est non semel traxisse. Facile etiam non paucis persuaderem Θ ex Tau circulo incluso effectam esse. Quia tamen figura vetus hebraicæ litteræ Teth adhuc ignota est, tutius est nihil affirmare. Præterea זיטא ex earum numero est, quæ serius ad Alphabetum Græcum accesserunt: ea tamen a Græcis ad calcem non est rejecta, quod latini fecerunt; sed eundem locum ac in hebræis tenet. Dicendum ergo a Phœnicibus serius in Alphabetum Græcum intromissam esse.

Quod si ad numerorum notas transire animus & otium est, hic enimvero ab Hebræis vel a Phœnicibus Græcos non semel doctosuisse perspicimus. Pro certo tenendum est, Græcos habuisse numerorum notas cum solas XVI. litteras habebant. Quas haberent, incertum est. Herodianus Grammaticus tradidit Athenienses numeros notare solitos per litteras ΙΓΔΗΧΜ, quæ initia erant vocum unum, quinque, decem, centum, mille, decies mille significantium: his multas pecuniarias definiri in legibus Solonis, has tum conspici in veteribus columnis &c. his describi in sine librorum numeros versuum, qui in codice fuissent, quod antiquis usitatum. Harum exempla supersunt etiamnum in Chronico marmori inscripto, quod est inter Arundeliana, cujus ætas cadit in Olympiadem CXXIX. circa initium primi belli Punici, ut in ejusdem commentario adnotatum est, annis plus minus LX. a morte Alexandri Magni.

Vulgaris est Græcis alia ratio numeros scribendi per XXIV. litteras Alphabeti, quibus permixta sunt τὰ ἰσχυρὰ, litteræ nimirum seu notæ numerorum Phœniciæ. Nota sexti numeri quæ nunc per ς scribitur, manifeste nata est e Vau sicuti nostri compendio scribendi sic Ϟ. Littera enim Vau Hebræis sex valet.

D

Phœ-

Phœnicium aut hebraicum esse vel nomen ipsum βαῖ ostendit. κέππα p similiter numeri nonagesimi figura locum habet post p, quemadmodum post v locum habet Tsade: formatum est ex Tsade Phœnicio elemento, quale medium est in inscriptione nostri nummi Tyrii. Tsade itidem Hebræis valet nonaginta. In usu fuit eadem nota in alterum latus conversa q vel etiam superne clausa q, cumque esset valde similis Koph hebræo, nomen ab eo accepit, dictaque est Græcis nitidiori vocabulo κέππα. Reliquæ litteræ Ρ Σ Τ &c. numerum centesimum, ducentesimum &c. valent usque ad octingentesimum, cujus nota est ω vel Ω. Aptissime res cadere visa est, si mille per ς posset notari. Idcirco commode excogitata est alia nota, quæ intercapedinem impleret: scelestæ est rursus figura Tsade pluribus, quam superscripta ductibus calami constans, qualis est prima in tabula nostra vel in Pentateucho Samaritano, quæ novies centum esset nota. Hanc Græci originis obliti πάντι appellant quasi ex litteris π ἰ & σ ῖγμα (quæ est σάν Dorice) compositam. Cum ergo hæc numerandi ratio de Phœnicibus sit accepta, eique admixtæ sint recentiores litteræ Græcorum, concludendum est Græcos eandem accepisse post XXIV. litteras inventas.

Pelasgica deinceps sunt dictæ veteres litteræ Græcorum, διὰ τῶν Πελασγῶν πρῶτον χρησαμένων τοῖς μετεβῆσι χαρακτηρῆσι Πελασγικά προσαγορευθῆναι quod *primus translationum* in Græciam usus *Pelasgis innotuisset*; inquit Diodorus lib. III. ex Dionysio mythologo scriptore antiquo. Pelasgi porro Græci olim dicti sunt, antequam Attici, Dories, Jones, Arcades &c. nuncuparentur. In quos populos postquam divisi sunt, discrimen esse cæpit aliquod inter cujusque gentis scribendi modum, ita ut ex figura & numero litterarum scriptio cujusque nationis discerneretur. Similes erant
inter

inter se litteræ omnium Græcorum, non tamen eadem. *Cadmeas magna ex parte similes Ionicis* (a) dicit Herodotus. Peculiares suas *litteras veteres* (b) habuerunt Attici. Atticorum figuras veteres cenſeo illas eſſe, quæ in lapide Sigæo conſpiciuntur, recentiores, quæ in Nointeliano. Athenienſes enim diu Sigæum tenuerunt. Ionicorum videntur, quæ poſtea Græcorum omnium fuerunt, quæ præ ceteris viſæ ſunt maxime aptæ vario ſono vocum exprimendo; & ab antiquiſſimis quibuſque Græciæ doctis hominibus & ſcriptoribus, qui extant, uſurpatæ.

Pelaſgicæ litteræ Doribus assignandæ mihi videntur. Cæteris enim Græcis primum in Hellenicos, & pacata jam Græcia & latrocinandi more ſublato poſtea in Atticos Jonas &c. commutatis, antiquum, nomen Pelaſgicum iis relictum eſt, qui rediere in Peloponneſum, ubi olim Pelaſgus regnaverat, ibique Dores cognominati ſunt, (c) cumque rudiores eſſent, quales, Arcades Lacedæmonii, Achæi &c. facilius vetera inſtituta ſervavere. Hinc fit ut Siculi & Itali, qui Dorum coloni erant (d) formas antiquiſſimas litterarum Græcarum haberent, quæ in eorum nummis conſpiciuntur.

Apud veteres Græcos duo ſeruntur ſcribendi modi antiquiſſimi fuiſſe. Prior ἐπὶ τὰ δεξιὰ ἐκ δεξιῶν *a dextera in ſiniſtram*: qui modus multis in nummis recentiorum etiam ætatum ſervatus eſt. Hujus exem-

D 2

pla

(a) Καδμήϊα γράμματα . . . τὰ πολλὰ ὁμοῖα ἔχοντα τοῖσι Ἰωνικοῖσι lib. 5. n. 59.

(b) Ἀρχαῖα ἀττικὰ γράμματα. Pauſan. Eliac. poſt.

(c) Dionyſ. Hal. lib. 1. Thucyd. lib. 1. Herod. lib. 1. n. 56. Vid. Strab. lib. 5.

(d) Thucyd. ibid. ὤκισαν Ἰταλίας κὶ Σικελίας τὸ πλεῖστον οἱ Πελοποννήσιοι. In Italia Siciliæque maximam partem coloniæ miſerunt Peloponneſii.

pla, quæ habemus unico tantum versu aut verbo ab-
solvuntur. Fuerat is modus Orientalibus maxime,
vulgaris, ut ex omnibus Codicibus & ex omnibus
fere siclis constat. Alter modus a bobus arantibus
ducta similitudine *βυσσοφιδδν* dictus est, primo versu
a sinistra in dextram, secundo a dextra in sinistram,
exaratis & deinceps alternatim. Hujus exempla sunt
in inscriptione Sigæa, in Bimardiana, in multis num-
mis, in quibus nomen urbis vel hominis partim more
nostro, partim Orientali sinistrorsum scriptum est.
Apud Parutam nomen Gelonis semel ita scribitur,
Agragantis pluries. Nomen tamen ΠΑΥΚΙΟΙΣ urbis in
Creta (a) primo ΤΑΥ post ΚΙΟΙΝ scribitur. Nummi
Selinuntiorum & Camarinæ, ubi nomen urbis ha-
bent in utraque facie, hinc dextrorsum scriptum est
hinc sinistrorsum. Idem est frequenter in nummis
Posidoniatarum, Tarentinorum &c. Qua diversa scri-
bendi ratione, ut dictum est usi sunt Hebræi in se-
cundo Siclo tabellæ nostræ. Unde orta mihi suspi-
cio est, scriptionem *βυσσοφιδδν*, quæ hætenus tribu-
ta est solis Græcis, ab Hebræis fluxisse: gavisus ve-
ro sum, cum legi idem traditum olim fuisse Judæis:
Esdram nimirum *modum scribendi a dextra ad sinistram*,
tradidisse Judæis, cum prius ad modum arantium scribe-
rent *Scribebant autem a sinistro cornu & a dextro*
redeundo scribebant in sinistrum (b) Quod hætenus est
visum temere dictum.

Positio etiam litterarum speciatim notanda est.
In eo Siclo ubi dictiones progrediuntur more nostro,
litteræ omnes conversæ sunt retro in latus alterum,
præter Koph, quæ eadem est ac si nummus vulgata
ratione Hebræorum esset inscriptus. Quæ litteræ dis-
se-

(a) Haym. T. 2. p. 144.

(b) Nauckler. generat. 54. citat. à Voss. art. gramm. lib. 2. c. 34. qui
plura in hanc rem collegit.

ferentia probat ejusmodi scriptionem non posse tribui vitio scalptoris, sed aliquando in more Gentis Hebrææ fuisse. Eodem fere modo varia est positio litterarum apud Græcos, ita ut eo conversæ sint figuræ litterarum, quo versus procedit. Conspectus inscriptionum, quas *συρροφιδὴν* scriptas esse diximus, rem dilucide demonstrat.

Atque hic animadvertere libet, plerasque veteres litteras Hebræorum effici præcipue linea perpendiculari, cui alii ductus calami plures vel pauciores hoc vel illo modo adjuncti formant unamquamque litteram. Quæ ductus habuere lateri dextro adjunctos, ut aleph lamed Koph veterem statum videntur retinuisse etiam apud Græcos, in versibus dextrorsum exaratis; quæ autem sinistro, conversæ sunt dextrorsum, effictæque Β Γ Ε Μ Ν Γ Ρ, reliquæ tantillum immutatae in Δ Ι Ο Σ Τ. Nonnullæ etiam situ & positione mutatae sunt, quandoque deorsum versæ, quod ex tabella clarius contabit: quas sic variasse vidi, sunt Γ Α Ρ Σ Ω. Hæc mobilitas litterarum familiaris fuerat Hebræis.

Sexdecim litteræ vetustissimæ Græcorum, ut opinor, sunt hæc Α Β Γ Δ Ε Η Ι Λ Μ Ν Ο Γ Π Ρ Σ Τ. Differunt istæ ab iis, quas habent Plinii exemplaria vulgata duabus litteris K et T. Earum loco H & Q reponendas esse censeo. Q enim & K differunt inter se figuram tantum, non vero potestate ita ut ejusdem litteræ figura vetusta O sit, K recens. Hinc Quintilianus (a) *Et K & Q cujus similis effectus speciesque, nisi quod paululum a nobis obliquatur*. Igitur & hanc Græci olim habuerunt. T autem omisi, quia in tam exiguo numero litterarum credendum non est, Græcos ullam habuisse, quam non haberent Hebræi: hi vero o & u

D 3

per

(a) lib. 1. c. 4.

per ∇ exprimebant: deinde quia manifeste facta est ex ∇ hebraica, qualis in Penrateucho Samaritano & aliquando in Siclis est. At vero H, quæ aspiratio est, in Inscriptione omnium antiquissima Sigæa conspicitur, similiter in Nointeliana, in nummis Himeræorum, Heracleensium (a) &c. reperitur. In Alphabeto Græco fuit ante Solonis tempora, idest ante Olympiadem XLV. Erat enim nota centesimi numeri & initium, vocis HEKATON.

Idem dicendum, si de veteribus latinis agatur. *Pelasgos* enim litteras in Latium attulisse testatur Plinius (b). Dionysio Halicarnassensi certum est, Romanos initio scripsisse litteris iisdem, quibus Græci antiquiores usi fuerant, iisque inscriptam a Servio Tulio columnam æream sua ætate superfuisset (c). Priscianus affirmat allatas in Latium litteras sexdecim. In his etiam retinendæ sunt H & Q. Primum quia eadem fuere litteræ veterum Græcorum & Latinorum. Deinde quia cum C fungeretur olim vice G, ut notum est, sonus litteræ C scribebatur per Q. Etiamnum C & Q permutantur. Promiscua sunt enim cum *secutus cocus, quum sequutus cocus &c.* Et veteres *arguus* & *oquulus* pro *arcus* & *oculus* ponebant ut docet Priscianus. In cujus exemplaribus *argus oculus* scribi debet: quæ antiqua ratio in nonnullis editionibus Plauti servata est, in quibus est *gom qojus qoi coqus*. Idem Priscianus de H. H nota aspirationis, quam Græcorum antiquissimi similiter ut latini in versu scribebant. Hanc videmus in inscriptione L. Scipionis Barba-

(a) Paruta, Liebe Goth. num. p. 175.

(b) l. 7. c. 36.

(c) αὐτὴ διέμενε ἡ στήλη μέχρι τῆς ἐμῆς ἡλικίας. . . . γραμμάτων ἔχουσι χαρακτηρὰς ἐλλαινων, οἷς τὸ παλαιὸν ἡ ἑλλὰς ἐχρητο. Mansit eadem columna ad meam usque ætatem, litterarumque Græcarum formas habuit, quibus olim Græcia usa est. Lib. 4.

bari F. in Senatus Consulto de Bacchanalibus &c. De ejus usu, qui rarior erat apud antiquos, Cicero Gellius &c. nonnulla notarunt.

Litteræ Græcæ & Latinæ, quæ sunt in Tabella nostra, desumptæ sunt ex monumentis sequentibus.

A prima in nummo Mus. Bonon. Segestano & Syracusano, supremo apice inclinato, nondum tamen inferiorem contingente: altera in nummo ejusdem Syracusano in inscriptione Sigææ Bimardiana &c. in verbis dextrorsum exaratis: tertia in nummis gentis Saufejæ Thesauri Morelliani. Quarta in voce ROMA nummi Bonon. hinc referente dimidiam navim, hinc caput Mercurii, in lamella cuprea apud Fabrett. inscr. p. 27. &c. quinta in nummis Haym. T. 1. &c.

B.

Γ Altera in inscriptione Sigææ in Nointeliana, & in ea quam e marmore in insula Delo exseripsit Tournefortius: tertia in columnis Farnesiis: quarta in nummis Bonon. Agrigentinarum: quinta in nummis Gelenis. Ex hac formata est latinorum littera C quæ diu supplevit vices G. Ausonius

Prævaluit postquam Gamma vice functa prius C

Δ Prima in inscriptione Bimardiana: tertia in nummo Zancleo & columnis Farnesiis.

E

Ϝ seu Digamma Æolicum, de quo Priscianus. *V loco consonantis posita eandem prorsus in omnibus vim habuit apud Latinos, quam apud Æoles digamma F: unde a plerisque ei nomen hoc datur, quod apud Æoles habuit olim F digamma idest Vav..... pro quo Caesar (Claudius) hanc figuram a scribere voluit, quod quamvis illi recte visum est, tamen consuetudo antiqua superavit. Et infra. Bgomet legi in tripode vetustissimo ΔΗΜΟΦΑΝΩΝ. Et nos hiatus causa interponimus V loco digamma F. Antiquissimum sonum scribendique ratio-*

tionem servaverunt voces latinæ *Ovum* *Ses* *ovis* *ſic*, *bovis* *ſods*, *Argivus* *Αργῦος*, *cupivi* *cupii*, *audiveram* *audieram*. Prima ergo figura digammatis fuit *a*: posterior quæ in inscriptione Deliaca Tournes. ut secundo loco ponitur, vel quæ tertio. In antiquis fictilibus Romæ repertis est NOEM pro Novembri omisso digammate.

H

Θ Prima in columnis Farnesiis: secunda in inscript. Sigæa: tertia in nummo Bon. Agathoclis. De hac Aufonius

Anſis cinſta duabus erit Jota, leges Θ.

quarta in nummis Athen. & Theban. Haym. T. 1. quinta in imaginibus illustrium Urfini: sexta in nummo Athenien. Haym ibid. septima in inscrip. Bimard. & Nointel.

Α Prima in inscript. Sigæa, in nummo Bonon. Zancleæ, in alio inscripto CALENO, in S. C. de Bacchanalibus, in inscriptione latina Fabrett. pag. 240. secunda in column. Farnes. in nummis Græcis & Ægyptiis passim ut initium vocis ΑΤΚΑΒΑΞ præponitur notis annorum: tertia in nummo Calenorum. Goltz. Tab. 19. quarta in inscript. Bimard. quinta in numm. Bon. Gelenſium. sexta in inscrip. Deliaca

Μ Prima in inscriptione Sigæa, altera in column. Farnesiis, tertia in imaginib. illustrium Urfini.

Ν Prima in nummis Bonon. Leontinorum, altera in column. Farn.

Ο Prima in fictilibus Romæ repertis. Dissert. P. Baldini Acad. Corton. secunda in imaginibus Urfini: tertia in nummo Haym T. 2. p. 144. Duæ *τ* in multis monumentis Græcis & latinis. Vide Fabrett. inscript. pag. 175.

Π Prima in multis nummis familiar. Romanar. in inscriptione antiqua Fabrett. pag. 240. &c. secunda in S. C. de Bacchanalibus &c.

Q Pri-

Q Prima in voce ΣΥΡΑΦΟΣΙΩΝ nummi Bonon. argentei tetradrach. & pluribus eorundem didrachmis qui sub Pegaso solam habent **Q** ad commemorandam Syracusanorum originem Corinthiam. Est etiam in nummo Croroniatarum Thes. Palat. a Begero vulgati: secunda & tertia in titulo Sigilli apud Cl. Maffejum Veron. illustr. Tom. 3. Ausonius

Cappa fuit quondam Bæotia nunc Latium K.

Legendum videtur Coppa, littera Cadmea seu Phœnicia koph, ex qua postea fuit K.

P Secunda in nummo Thesaur. Palat. p. 156. tertia in inscript. Sigæa: quarta in Nointeliana in nummis Bonon. Syracusanorum, in quibus aliquando est sursum versa **K**, in inscript. Bimard.

Σ Prima in nummo Syracusano Parut. Tab. 60. secunda in imagine Miltiadis Ursin. & nummo Haym. T. 2. pag. 144. Tertia in titulo sigilli Veronenfis superscripti, in nummo Polidoniatar. Thes. Palat. & Syracus. Parut Tab. 7. quarta in nummo Syracus. Tab. 37. quinta in inscrip. Sigæa: sexta in Nointeliana: septima in Sigæa & nummis Bonon. Messanenrium: octava in inscript. Deliaca & Sigæa

T Prima in tabula Ærea de qua infra mentio est, **Z**

Ξ prima qualis initio fortasse fuit, postrema in nummo Bonon. inscripto ΝΟΙΧΑΝ Naxiorum in Sicilia.

Φ primam designare videtur Priscianus lib. 1. *sicut etiam apud veteres Græcos pro Φ, Ρ & Η*: secunda & tertia in imaginibus Ursini: quinta in inscriptione, Nointeliana: sexta in nummis Regum Græcorum sæpe: septima in nummis Bon. Philistidis Reginæ. Ausonius

Hæc crucis effigies Palamedica porrigitur Φ

X prima in inscrip. Sigæa & column. Farnes. qua.

Ψ qualis creditur ex Γ & Σ composita primo usurpari cœpta esse.

Ω prima in nummo ΑΚΑΙΩΝ Haym. T. 2. pag. 85. secunda ibid. p. 163. & T. 1. pag. 109. n. 2. & 3. & 6. & pag. sequ. Ω qualis nunc est, occurrit in secunda parte inscriptionis Sigæ. Versa sursum est in nummo Acrasiotarum Haym. T. 2. pag. 87. & Haluntinorum Parut. &c.



Quod



Uod initio constitueram, mihi videor præstitisse: Liceat tamen retractare nonnulla. Dictum est supra veteres Græcarum litterarum characteres ex Hebraicis seu Phœniciis formatos esse. Sic eruditus usus est loquendi. Verum accuratius mea sententia & verius rem seu rei originem tangeret, qui veteres Græcos diceret, ipsis Hebræorum seu Phœnicum litteris usos esse. Repetatur memoria temporum, quæ in historiis Græcorum vetustissima sunt, & ultimam ejus gentis commemorant antiquitatem. His Phœnices legimus longe lateque per omnia maria jampridem diffusos plurimas orbis terræ partes habitasse. Actum agerem, si aggredider id ostendere (a). Quod e re nostra est, plurimas insulas Græci maris Phœnices incolebant, & huc illuc discurrentes, ut ait Thucydides (b), more barbarorum rapto vivere soliti fuere, donec Minos Cretensium Rex potitus re nautica, quæ antea Phœnicum tantummodo erat, & classe primum instructa sustulit prædones, insulas & mare pacavit: ideo a Poetis dictus apud inferos judicia exercere. In Sicilia pariter plurima loca inhabitantur olim Phœnices (c). In Bœotiam item fama erat, duce Cadmo venisse Tyrios: Et qui ex eorum posteris Gephyræi dicti fuere, inde migrantes in Atheniensium Civitatem suscepti sunt. In has regiones

(a) V. Bochart in Chanaan.

(b) lib. 1.

(c) lib. 6. Pausan. Eliac. pr. &c.

giones ferebantur Phœnices suas attulisse litteras. In Bœotia enim extabant tempore Herodoti monumenta litteris Cadmeis inscripta, nempe Phœniciis. In Atticam etiam Phœnices detulisse litteras affirmat idem auctor (a) aitque *primas Atheniensium litteras eas esse, quibus Phœnices utuntur*: γράμματα πρώτα μὲν τοῖσι ἐξ ἅπαντες χρέωνται Φοίνικες. Paulo post addit: Ἰῶνες Ἑλλήων παραλαβόντες διδασκῆ παρὰ τῶν Φοινίκων τὰ γράμματα, Jones Græcorum similiter a Phœnicibus didicisse litteras. (b). Videmus ergo duas celeberrimas Græciæ gentes, Athenienses videlicet & Jones Phœniciis litteris olim usas esse. Quamvis autem postea Jones μεταφθυσάντες σφῶν ὀλίγα quarundam litterarum modulor seu figuras mutassent, ea mutatio nullius momenti visa est, & ἐφάτησαν φοινικῆα κενλήσθαι Phœnicias nihilominus esse nominandas edixerunt. Veteres enim sive versus dextrorsum procederent sive sinistrorsum, sive litteræ hoc latus sive alterum respicerent, idem esse putaverunt.

Quod autem Cadmus Phœnix ferebatur olim in Græciam primus attulisse litteras, incertum rumorem existimo fuisse popularem sine auctore: non quo credam vel Cadmum non fuisse, vel in Græciam nunquam profectum, sed quia mihi persuadere non possum litteras in Græcia aliquando non fuisse. Semper enim fuisse necesse est a regnis & civitatibus, imo ab humanis convivibus constitutis; cum sine illis neque rerum anteaclarum memoria possit esse, neque præsentium ordo, neque recta successio futurarum.

(a) Lib. 5.

(b) Ἰῶνες Ἑλλήων Jones qui in Græcia vetere fuere, de quibus idem lib. 1. n. 145. ut eos distinguat ab iis; qui postea fuerunt in Asia, quique XXIV. litteras invenerunt; ab iis propterea litteræ Jonum dictæ.

rum. Ceterum qui hoc tradiderunt, credendi sunt potius de vulgi sententia quam de sua id dixisse. Ita auctor Chronici marmorei Arundeliani advenisse Cadmum in Græciam memorat, arcemque Thebis ædificasse, de litteris allatis nihil locutus, cum alioquin multa alia rarioris usus, & momenti levioris apud Græcos vel instituta vel introducta non sileat. Ipsa nominis etymologia famam hanc de Cadmo fortasse confecit: *ΚΚ*, *kedem* enim *ὁ* *Orientem* vel *Orientalem* hominem significat, & *antiquum*. Hæc autem mire conveniunt litteris veterum Græcorum, quas ex Oriente attulerunt olim primi homines in Græciam profecti.

Antiquissimæ sunt earum omnium, quæ ad nos pervenerunt eæ, quas exhibet Tabella nostra. Nemo tamen illas considerabit, quin fateatur verum esse, quod eodem loco affirmat Herodotus *ἄνευ ἧς τὸ δίναον ἔφευκτο* *rationem ferre*, & æquitatem pollulare, ut veteres litteræ Græcorum Phœniciæ sint appellandæ. Et tamen monumenta, e quibus desumpsimus litteras Tabellæ, non magnæ sunt antiquitatis, si tempora vetusta Græcorum spectemus. Inscriptio Sigæa omnium vetustissima recentior est Olympiade quinquagesima. Ejus vero litteræ multæ nihil differunt a Phœniciis, cum tamen minimum distet ejus inscriptionis stylus a lingua Græca, quæ fuit Herodoti, Thucydidis, Isocratis. Nummum nostrum Messanensem vix ultra Olympiadem septuagesimam tertiam rejecimus. Ne illa quidem ætate antiquiores fortasse sunt nummi Syracusanorum, Agrigentiuorum, Gelensium, Leontinorum, ut omnes complectar nummi Siculi, qui e figuris litterarum antiquissimi Græcorum judicandi sunt. Nam de nummis Atheniensium & Thebanorum consentiunt nonnulli Philippo Macedone Alexandri Magni patre antiquiores non esse, si Atheniensem excipias

pias, quem e suo Musæo protulit Cl. Maffejus habentem litteram aliquam similem Sigæis.

Hic si quis quæsierit, cur iis ætatibus, quas modo indicavimus, superiores nummos Græcos non videamus, cum tamen certum sit multo ante cœptum esse argentum signari: si quis inquam hoc quæsierit, recogitet velim longissimum temporis spatium, annos nimirum bis mille et ducentos; tot enim ab iis ætatibus, quas supra commemoravimus, ad nostram usque fluxerunt: Tum veteres Græcos solitos quidem fuisse aliquando metalla formis ferire, non tamen ita frequenter id fecisse propter auri argentique caritatem. Ejus rei fidem facit quod est apud Thucydidem, drachmam Atticam argenteam, quæ pars est uncie octava, menstruum stipendium fuisse militis Lacedæmonii; et captivos statere uno (dimidia videlicet uncia) in singula capita soluto redemptos esse. Hinc vir Græcus cum apud Herodotum Xerxem alloqueretur, Græciam dixit *πενίης σκύτροφον* fuisse, semper *alumnæ paupertatis*, quam cum dominatione retinere voluisset (a). Fortasse etiam apud Græcos in more positum erat idem, quod apud Persas: τὸ πλεῖστον ἢ χρυσὸν ἢ ἀργυρὸν ἐν κατασκευαῖς εἶναι, νομίσματι δὲ οὐ πολλῷ: Persas *maximam auri atque argenti partem in supellestili habuisse, in nummis perexiguam*, (b) tantum, nimirum pecuniæ signatæ illis mos fuerat habere, quantum ad quotidianum usum satis esset. Ita Æge- stani ut Atheniensibus persuaderent, sibi magnas ad bellum vires suppetere, per legatos multa talenta *argenti non signati* ἀσήμην ἀργυρίου miserunt Athenas (c). Ut ut res est, si nummos Græcos antiquissimos ha-

(a) lib. 7.

(b) Strab. lib. 15. Herod. lib. 5.

(c) Thucyd. lib. 6.

habere liceret, mihi persuasum est, in iis impressas fore litteras Phœnicias.

Quorsum hæc omnia? inquiet aliquis. Ut mirum colligere possimus, vel omnes vel plerasque Gentes, quarum memoria illustris est, iisdem litterarum figuris usos fuisse: Chaldæos videlicet seu Babylonios, Hebræos, Phœnices, & Græcos. Prope est ut adjiciam etiam antiquos Latinos. Hos profecto litteris Phœniciis initio usos esse, nusquam memini me legisse. Sed tamen dicebantur accepisse litteras a Pelasgis, seu ab hominibus profectis e Peloponneso, qui sequentibus ætatibus Jones sunt cognominati & a Phœniciis ut vidimus se didicisse litteras profitebantur. Quod si characteres ipsos litterarum consuevimus, plures in antiquis monumentis latinis sunt omnino similes litteris Phœniciis. Omitto in præsens eas, quæ cum antiquis Græcis tum latinis fuere communes ut Β Δ Ε Η Π Ρ. Hæ peculiariter notandæ sunt ex monumentis latinis. Tertia A eadem est ac secunda hebraica deorsum versa: Quarta eadem ac prima hebraica versa sinistrorsum: prima L et altera occurrunt etiam in Siclis: ◊ extat in antiquis sicilibus Romæ erutis (a). Qq eandem ac Koph Hebræorum, a Græcis jampridem antiquatam vix in priscis nummis Syracusanorum et Crotoniatarum aliquoties videre est. Tau in modum cruciculæ efformata, quam apud Græcos frustra quæsieris, extat in monumento latino satis vetere (b). Ex his omnibus manifestum est, cur Herodotus lib. V. dixerit Phœnicum litteris plurimos homines usos esse πλείους τῶν ἀνθρώπων τῇ γραφῇ ταυτῇ χρῆσθαι: constat etiam cur Fuscibus litteras Phœnicias seu prima scribendi elementa, ut ferebantur a Cad-

(a) Dissert. VIII. Cl. Baldini Acad. Corton. T. 2.

(b) In Apulia repertum edidit Londini *Mttaire*; est etiam in observ. litter. T. 3. & insc. Thes. nov. T. 2.

Cadmo in Græciam allata γράμματα *nomen communes litteras* (a) appellet. Communes enim fuerunt universis populis, quorum litteras & characteres novissime nobis contigit ex veterum traditione.

Illud item arguendum videtur litteras Phœnicias seu Hebraicas vel antiquissimas esse generis humani, vel saltem antiquiores dispersione Gentium, quæ a filiis Noe vel eorum posteris in varias terræ partes incolendas deductæ sunt. Videmus enim has Gentes consensione quadam iisdem litteris usas, tum eas, quæ spectabant ad Orientem, Babylonios & Chaldæos, tum quæ ad Occidentem sitæ fuerunt, ut Græcos & ex his Latinos, tum denique inter has medios Hebræos & Phœnices. Cum ergo tam dissitæ terris, ingenio, moribus nationes in eisdem litterarum characteres convenerint, eundemque usurpaverint scribendi modum, necessario dicendum est usitatum fuisse illis Gentibus omnibus, antequam dividerentur, cum etiam divisis communis esset. Quod cum in reliquis populis animadvertendum sit, in Hebraica natione non potest non esse maxime notabile. Quamvis enim possit quis fingere, id factum esse vel ipsarum Gentium consensione, quod est incredibile, vel alicujus Imperii legibus iisdem, quod de omnibus vel fieri vel cogitari nequit, id de Hebræis certe dici non potest, qui a ceteris nationibus vel sejuncti vixere multis seculis, vel nulli imperio diu servierunt, vel in mediis profanis nationibus collocati mores suæ gentis constantissime retinuerunt. Dicendum ergo est Phœnicias litteras non esse recentiores ætatibus, quæ proximæ diluvium consecutæ sunt. Hinc omnino proba-

(a.) Euseb. de præparat. Evang. lib. 10. c. 5. πρῶτος τοιγαῦν ὁ τὰ *nomen γράμματα αὐτὰ δὲ τὰ πρῶτα τῆς γραμματικῆς τοιγαῦν* Εὐλαβὴν εἰσηγαγόντος Κάδμος τὸ γένος Φοινικῆς ἔσσι.

babile cuicumque sit, quod se arbitrari Plinius ait, *semper fuisse lusteras Assyrias*, quarum inventio prima & usus ignoraretur, & Gentibus primo post diluvium divilis in Assyria seu Babylonia æqualis esset. Hinc facile est explicare, quâ ratione Varro Romanus homo, ut est apud Censorinum (a), sciret probe numerum annorum, qui a diluvio, quod ab eo prioris cataclysmi seu Ogygii nomine donatur, ad suam ætatem usque fluxerant, tot plane, quot numerant nostrates Chronologi Sacris Bibliorum Hebraicorum vel Latinorum monumentis edocti.

Locus Censorini adeo illustris est, ut præteriri silentio non possit. Tempus omne, quod ante se fuerat, in tria partitur Varro, in incertum, fabulosum, historicum. *Primum*, inquit, *sive habuit initium, sive semper fuit, certe quot annorum sit, non potest comprehendere*. Ex hoc colligito, ea quæ Varro habet, e sacris auctoribus neutiquam accepta esse. *Secundum non plane quidem scitur, sed tamen ad mille & DC circiter annos esse creditur*. Hoc spatium deinde in aliquot partes distribuire cum vellet, addit: *a priore scilicet cataclysmo quem Ogygium dicunt, ad Inachi regnum annis circiter CCCC*; hinc *ad Olympiadem primam, quæ temporis historici initium est, paulo plus CCCC*. Locus est manifeste corruptus, & temporis fabulosi distributio imperfecta: partes enim compositæ annos DCCC solum conficiunt, cum summa duplo major sit, annique mille & sexcentis constet. Videtur igitur ita restitui posse: *a priore scilicet cataclysmo, quem Ogygium dicunt, ad Inachi Argivi regnum annis circiter DCCC*; hinc *ad res Trojanas circiter CCCC*; inde *ad primam Olympiadem paulo plus CCCC*. Vadem do temporis primi Clementem Alexandrinum (b) qui e

E

Pto-

(a) De die Natali c. de annis Rom.

(b) Strom. lib. 1.

Ptolemæo Mendefio & Apione Grammatico affirmat, æquales ætate fuisse Moysem Hebræorum legislato- rem, Amosim Regem Ægypti, & Inachum Argivum: omnes porro Chronologi consentiunt annos circiter octingentos a diluvio ad Moysem fluxisse. Paulo in- fra addit Clemens, inde ad res Trojanas annos fuisse circiter quadringentos. Quadringentos itidem & octo a Troja capta ad primam Olympiadem nume- rat Dionysius Halicarnasseus (a). Contempsit hunc locum Petavius (b), tum quia corruptus est, tum quia secutus Eusebium Inachum fecit annis fere qua- dringentis vetustior. Verum celebris Bianchinus (c) nodum solvit duobus Inachis ex Hygino adnotatis; altero quidem antiquissimo ex Ægypto profecto, altero quia regnavit Argis, Argivo dicto. Si itaque aliquem ex re- centioribus Chronologis consulueris, quot annos a di- luvio ad Olympiadem primam numeret, quot inde ad Jesum Christum, quot ad Cofs. Ulpium & Pon- tianum, quibus librum *de Die Natali* edidit Censorinus, respondebit mille & sexcentorum circiter an- norum tempus primum fuisse, secundum septingen- torum septuaginta sex, tertium ducentorum triginta octo: Totidem numerat Censorinus: *Ad Ulpii & Pon- tiani Consulatum ab Olympiade prima annos M & XIII. ex diebus dumtaxat æstivis, quibus Agon Olympicus celebra- tur.* Cum ergo eadem scribendi ratio, seu eadem, litteræ & ætatibus fabulosis, & non mediocri for- tasse spatio temporis historici communes fuerint vel nationibus universis vel pluribus, facile propagari po- tuit potteritati certa diluvii, & temporis quo dilu- vium evenit, notitia. (d) Meminisse enim opus est quod

tra-

(a) Lib. 1.

(b) De Doctr. temp. lib. 9. c. 9.

(c) Hist. univ. pag. 170.

(d) Vid. Joseph. contr. Apion lib. 1.

tradidere Græci se non litteras solum a Phœnicibus didicisse sed etiam διδασκαλία δόξιναι, in quibus suo loco numeranda est rerum præteritarum memoria. Laudantur etiam τὰ φωνικῶν ἀπόκρυφα βιβλία *Phœnicum libri recondita sapientia pleni*, quibus usi sunt antiquissimi Græciæ sapientes. (a)

Talia cogitanti mihi nitentique ostendere characteres veteres Græcos eisdem cum Phœniciis vel Hebraicis fuisse, venit in mentem celebris controversia de litteris Etruscorum, num ex Hebraicis natæ fuerint, an vero ex Græcis. Agitata est hæc quæstio superioribus annis acri contentione. Videtur autem superfuisset, si ut mihi persuasum est ad veritatem, iisdem litteris & Hebræi & Græci olim usi sunt: præcipue cum primordia nationis Etruscæ Olympiadas nonnullis seculis superent. Varro enim apud Censorinum (b) se vidisse testatur historias Thuscum octavo eorum seculo (idest ante annos circiter mille, seculo Thusco annos plus minus centum & viginti comprehendente) octavo, inquam, eorum seculo scriptas; quo autem seculo ante Varronem scriptæ essent, obscurum est. Cum ergo hujus nationis initium ad eas ætates referendum sit, quibus credimus unos characteres fuisse multorum populorum, qui postea differentes habuerunt, consequeretur easdem litteras Etruscorum fere fuisse, quæ & Hebræorum & Græcorum erant. Nihilominus tamen si earundem litterarum formas contemplamur, si ea quæ de origine Etruscorum tradita sunt consulimus, subobscura res videtur esse. Quantum enim ad nationis initia spectat, Strabo antiquitates ejus populi paucis completus (c) auctor est, Atyn Regem Lydorum olim fame

E 2

coa-

(a) Suid. V. Pherecydes Syrius.

(b) Cap. de Seculo.

(c) Lib. V.

coactum magnam populi partem regno ejecisse, iussisseque sedes novas duce Tyrrheno filio quærere: hos in Italiam delatos inhabitasse oram illam, quæ de nomine ducis Tyrrhenia a Græcis a Romanis Etruria vel Thuscia dicta est: Tum Etruscos imperium suum protulisse, & cepisse urbes conditas a Pelasgis seu Græcis, qui e Thessalia profecti in iis locis diu confederant: Demaratum tandem post Romam conditam clarioribus Græciæ temporibus frequentem populum Corintho deduxisse in Etruriam. Quamvis autem de ejus gentis initiis non una sit scriptorum sententia, extra controversiam est, eam vetustissimam esse, adeo ut aliquot seculis res Romanas præverterit. Ea itaque natio primum conflata est ex antiquo populo sive indigena sive peregrino, quicumque tandem is fuerit, cui deinde semel & iterum Græci homines admixti fuerunt.

Totidem litterarum genera videre mihi videor in Etrusco Alphabeto, nonnullas nimirum cum Hebraicis sive Phœniciis sive communibus antiquarum gentium convenientes; nonnullas etiam prorsus similes iis, quæ Græciæ florentis fuere. Neque enim credendum est gentem tam antiquam, quæ in tanto imperio terra marique, quæ in imperio tandiu fuit, in quam tot populi migrarunt, unis iisdemque semper litteris nihil admodum immutatis scripsisse. Ita ex genere Phœnicicarum est aspirata Θ qualis in Siclis est: item Tau in modum crucis efficta: Ξ deinde quæ cum Phœniciis, tum Etruscis, tum aliis quoque nationibus communes fuerunt AEI \downarrow MNPP \downarrow EV. Prætereunda non est littera Koph Φ quam solus Bourguettius cum Etruscis numeravit: Est tamen aliquoties in monumentis Etruscis, velut in Tab. XLVIII. Ftr. Reg. ut ajunt in coxis equorum, & semel & iterum in Mus. Ftr. Tab. LVIII. A vero fortasse non aberraret, qui crederet

deret litteram d, quæ est in prima voce quarti versus in Tab. I. Eugubina, Q inversam esse. Sæpe enim ea vox cum antecedenti iteratur infra & in Tabula secunda, eaque littera tum plerumque per K exprimitur. Quæ cum littera Phœnicum fuerit, ab Etruscis aliquando usurpata est. Varietas hæc & notatio litterarum nonnullo adjumento esse posset ad dignoscendas ætates monumentorum, si tamen aliquando daretur præter quædam nomina propria aliquid in Etruscis monumentis certo intelligere: quod optandum magis quam sperandum videtur.

Satis scite adnotatum est (a) apud Etruscos more linguæ Hebrææ voces nonnumquam aliqua vocali caruisse, quæ in dicendo apponebatur, etli scripta non esset. Id tam verum est quam quod maxime. Aliter enim plurimæ voces, quæ multas simul consonantes habent, dici non potuissent. Ejus rei luculentum exemplum est in insigni Scarabæo a Cl. Gorio allato (b). In eo Tydei nomen est Etrusce. 𐤔𐤕𐤕𐤕 desinens in E ut Amphiaræus & Adrastus 𐤔𐤕𐤕𐤕𐤕𐤕𐤕 & 𐤔𐤕𐤕𐤕𐤕𐤕 dicuntur. Littera quæ nomen 𐤔𐤕𐤕𐤕 proxime sequitur, est ut puto P, Etrusca deorsum versa, ita ut nomen Polynicis scriptum sit 𐤔𐤕𐤕𐤕𐤕𐤕 PLNICES. In eo vel una vel duæ vocales omnino desiderantur, quas in dicendo addere necesse fuit. Ita etiam vocales addebantur nomini familiæ Cæcinæ, quæ *Ceicna* erat in Etruria (c) &c. Fortasse & Romani quamvis *bercle* scriberent, pronunciabant *bercule* Persius sat. 1.

*Quis leget hæc? min' tu istud ais? nemo ber-
cule. Nemo?*

At si ad Græca convertimur, quemadmodum,

E 3

cum

(a) Offerv. lett. Ver. Tom. 6. p. 170.

(b) Dis. alphab. Tolet. p. CXXII.

(c) Off. lett. ib. p. 131.

cum Græcis posterioribus communem habuerunt Etrusci mythologiam, ita nonnullas etiam litteras ab iis mutuati fuisse videntur, & videlicet, quæ modo punctum habet in medio, modo eo caret, quod idem est in inscriptione Bimardiana, K, alteram Kappa hac figura **C**, digamma Æolicum, sigma **ꝛ** qualis est inter Græcas Tabellæ nostræ. Addo libenter & in voce **ΣΚΑΡΑΙΩΝΑ** Scarabæi memorati, itemque **ΣΜΕΔΕΩ** *Iberje* seu Persei Tab. V. Etr. Reg. Sic enim hanc vocem legendam cenſeo. Promiscui enim ufus sunt conſonantes Pe & Phi: Unde veteres Romani *Pourios* pro Furios, l'abricia pro Fabricia, *Pilipus* pro Philippus, *Pænos* homines & res *Pænicas* dixere, quæ Phœniciæ & Phœnices dici debuissent: & quod Græce **Φοινικῶν** & **Πορφύρεον** est, Romani *puniceum* & *purpureum* verterunt. Contra Pittacum in nummo apud Caninium (a) **ΦΙΤΤΑΚΟΝ** dici conſtat. Apud Hebræos utriusque conſonantis ſonus una & exprimitur. Originem Græcam præſert ea conſonans, quæ poſtrema eſt in voce **ΣΣ** **ΛΛ** ſi non duplex ſſ ſed quod probabilius etiam Cl. Gorio viſum eſt, duplex tt eſſet, **VLVTTE**. Accedit enim ea figura maxime ad tau duplicem: Potestas vero nominis eadem ſemper eſt: apud Græcos enim S & T duplices ſecundum varias dialectos invicem permutantur, ut notum eſt. Geminatioes etiam ejuſdem conſonantis Orientalibus inuſitatæ Græcam linguam ſapiunt, quarum multa ſunt exempla in antiquitatibus Etrufcis.

Libet hic animadvertere litteram V occurrere, ſæpiſſime apud Etrufcos, O vero vel nunquam, vel rariffime. Tritus jam locus eſt Priſciani (b). *O aliquot Italia ciuitates reſte Plinio non habebant, ſed loco*
ejus

(a) Iconol. pag. 43. & Bellor. illuſtr. imag.

(b) Lib. 1.

ejus ponebant V & maxime Umbri & Tusci. Id est in causa cur Apollo Etrusce sit *VVVA*, Castor *QV13AX* Pollucem dixerint *3XV13V1*. Sic voces *TOTAPER IOVINA* quæ frequentissime habentur in Tabula Eugubina sexta vel septima latinis litteris scripta, in reliquis Tabulis, quæ exaratae sunt characteribus Etruscis scribuntur *AV13V11 331AV1* per u: sic *V133 1NV1* latine semper. *PONI FETV*. Sic *FOLNIVS* (gentile nomen id est) in Urna sexta Tab. *LXXXIII*. Etr. Reg. est *31WV3*. Contra vero apud veteres Romanos sepiissime usurpatur *O*, ubi postea fuit *V*, quemadmodum ex eorum monumentis constat, apud antiquos Italos alterutra harum vocalium supplente vices utriusque. Ita Priscianus: *V quoque multis Italiae populis in usu non erat, sed e contrario utebantur O*. In fictilibus Romæ repertis *D. FOLVI*, quod postea scribebatur *Fulvii*. Apud Fabretum in vetusta lamella (a) modo *PLACENTIVS* idem dicitur, modo *PLACENTIOS*, & Aufonius

in quod & OT Græci compensat Romula vox O. Hæc in memoriam revocant litteram *Vau*, quæ apud Hebræos modo per *V*, modo per *O* redditur; aut potius *v hain*, e cujus figura nostrates *O* & *V* prodierunt.

Variarunt Etrusci situm positionemque litterarum itidem ut antiquæ Gentes. Sic in Tab. II. Etr. Reg. in voce *AVND3AV* digamma Æolicum *a* cum in Tab. III. sit *q*. S Etruscorum scribi solent *3*. In voce *QV13AX* est *3*. in voce vero *Pherse* Tab. V. seu nomine *Persei* est *m*. *R* in Tab. LIII. & *LXXXII*. est *P*, cum alibi semper sit *q*, vel *a*. Sic *A* in Tab. *LXXXXVI*. Mus. Etr. monente Gorio est

in-

(a) Inf. pag. 27. Vid. Quintil. lib. 1. c. 4.

inverso capite U. Sic in voce JANINET (a) & JANINITE est E contra atque solet, dextrorsum conversa. Vide etiam Tau inversam in nummo Tuder- te Tab. LX. Etr. Reg.

Antiquum scribendi modum a dextera in sinistram Etrusci retinuerunt. Non ita tamen tenuerunt, ut quandoque dextrorsum more nostro versus non exararent. Hujus varietatis in eodem monumento exempla nullo pacto artificum oscitantiae tribuenda sunt in multis Tabulis Etr. Reg. Notanda est etiam Tab. LXXXIV. n. 4. & titulus gemmæ Tab. CIC. n. 6. Mus. Etr. quæ more nostro exarata sunt. Vide etiam explicat. Bonarot. §. 42. & Postell. de orig. Etr. pag. 244. Confirmant hæc quod dictum est, in antiquissimis monumentis siue litteræ stent, siue sint inversæ, siue ad dexteram versus progrediantur, siue ad sinistram, idem esse.

Affines Etruscis perhibentur litteræ, quæ leguntur in nummis Samnitum. Ex eorum numero est is, quem afferimus num. IV. Erunt illæ tractationis nostræ complementum. Nummum eleganti dissertatione explicavit Cl. Olivierius, ostenditque Cajum Mutilum vel Mutilium Samnitum Imperatorem a Romanis scriptoribus commemoratum indicari iis litteris, quas apposite Italicas nuncupavit. Litteram enim G ita C efformari non solum ab Etruscis crediderunt eruditi, sed etiam a Siculis ostendimus e, nummis Agrigentinarum: Sic l apud Etruscos valere L quemadmodum valuit etiam apud Leontinos. R vero ita effingi in nummis etiam Messanensium, vidimus. Notandus est præterea litterarum progressus in modum Orientalium. Cum ergo differentes linguæ iisdem litteris utantur, argumento id esse debet,

(a) Mus. Etr. pag. 410. & 415.

bet, has e communi fonte derivari, hoc est ex iis, quæ olim tot Gentibus, ut vidimus, fuere communes.

Partem posticam nummi illustant quæ habet Strabo, lib. V. (a) *Insecuta autem sterilitate, monuisse quendam, prolem quoque Diis dicendam: obtemperasse Sabinos: eoque anno editos filios Marti nuncupasse: cumque ii virilem ætatem attigissent, duce tauro ad coloniam alicubi condendam emississe: taurum in Opicorum regione procubuisse: missos bis expulsis ea loca insedisse, taurumque Marti, qui eum ipsis ducẽtorem dedisset, ex oraculo sacrificasse. Probabile porro est eos diminutive Sabellos a majoribus suis nominatos &c.* Vides in nummo Martem, cui auctores Samnitis populi e Sabinis prognati solemniter consecrati fuerant, vides taurum colonix deductæ ducẽ, vides procumbentem & mox Deo sacrificandum. Quantum ad inscriptionem spectat, nullo modo dubitare possum, quin sit *MINI8AN* *Sabinim*, idest Sabinum. Sabinorum se nomine nuncupant Samnites, tum quia Sabino sanguine procreati Sabini populi pars erant, tum etiam quia se maxime dignos eo nomine judicant, quippe qui generis sui libertatem adhuc tuebantur, quod summum in humanis excelsumque decus est; cum contra veteres Sabini jampridem in potestatem redacti fuissent Populi Romani, qui ut veteres Sabinos a recentioribus discerneret, hos de colle Samnio (b) vel alia de causa Samnites dicere maluit. Solet enim utus aliquando populis nomina tribuere, quæ populis ipsis non satis conveniunt. Sic nos *Moscovitas* & *Sinenses* nominibus appellamus, quæ, ut ferunt, nationibus appellatis incognita sunt. Demum

(a) Α'φορίας δὲ γενήσεως ὥστε τις ὡς ἐχρὶν καθιεῖναι &c. Σαβέλλους αὐτοὺς ὑποκοριστικῶς ἀπὸ τῶν γονέων προσαγορευθῆναι &c.

(b) Festus V. Samnites.

num cum videamus in antiquioribus nummis Romanis præter nomen hominis nomen Romæ urbis apponi, consentaneum est apud populum finitimum morem fuisse præter nomen Imperatoris addere nomen etiam gentis.

Eam porro terminationem in IM cum diu mecum ipse consideraverim, mihi visus sum detexisse, originem casuum, seu primos nominum casus, qui postea Græcis & Latinis in quotidiano usu fuerunt, ceteris vero nationibus incogniti. Conjecturam hanc pendat quisque quo nomine volet. Vox *Sabinim* putanda est sine ulla dubitatione eadem ac latina *Sabini*, terminata in IM numeri pluralis ex usu Hebræorum. Deinde mutata tantum postrema vocali I superioris vocis in O formatus est in OM secundus casus, seu terminatio, qua indicaretur nomen ab alio nomine pendens. Sic in nummo Rheginorum (a) est PHGINOΞ seu PHGINOM quam vocem regit moneta aut aliquid simile. Sic in alio Lucanorum ΛΟΥΚΑΝΟΜ, (b) et Tyllisiorum ΜΟΥΣΙΑΤΤ, (c) cujus antiquæ terminationis vestigia servant illa *proh Deum fidem, clamorque virum stridorque rudentum, tot nummum, sestertium, modium millia* olim terminata in OM. Hi verustissimi casus Græcorum & Latinorum a me putantur. Dulcius deinde proferri cæpit utraque terminatio seu casus omissa *mugiente, & obscure sonante* littera M & ex prima voce *Sabinim* facta est *Sabini*, quæ etiamnum est in usu; in secundo vero omissa M dicebatur, ut ex nummis constat ROMANO, PAISTANO, SVESANO, CALENO, ONAIT (d) &c. quæ voces postea

(a) Beger. Thes. Brand. T. 1.

(b) Ols. lect. T. 5. p. 390.

(c) Goth. numm. p. 101.

(d) Beger. ib. Tom. 3.

stea fuissent *Romanorum, Paestanorum &c.* (a) Huic terminationi addita est a Græcis N affinis primigeniæ M, a Latinis ROM vel RUM, ut in inscriptione columnæ rostratæ Duillii OLOROM pro ILLORUM. Et in hac additione aliquando omissa est M, ut in inscriptione L. Scipionis Barbati F. dicitur DVONORO pro BONORUM. Postremo ad distinguendos modos actionum, vel quia non erant ut apud Hebræos particulæ, quæ id præstarent, vel quia negligebantur, necessario introducti sunt tertius & quartus casus eodem ordine vocalium retento, mutata solum littera. M in S. Cur hæc eximie sit usurpata, crediderim hoc in causa fuisse, quia lenissime omnium consonantium pronunciatur & commodissime. Retenta ergo vocali primi casus tertius desinit in IS, et vero, quæ fuit in secundo, servata, desinit quartus in OS. Hoc pacto Latini dicere consueverunt primo SABINIM SABINOM, postea SABINI SABINORUM SABINIS SABINOS, Græci vero ΣΑΒΙΝΟΙ ΣΑΒΙΝΟΝ vel ΣΑΒΙΝΩΝ ΣΑΒΙΝΩΣ ΣΑΒΙΝΩΣ. In foemineis nominibus similiter: תְּבִילָה *Tebilah* exempli gratia dicitur ab Hebræis; eadem vox in constructione alterius nominis est תְּבִילָה *Tebilat*. Græcis ἡ τέβη in casu recto, in obliquo τῆς τέβης, s & t facile permutari solitis in omnibus veteribus linguis. A Latinis antiquis PRAEDA & SENTENTIA dicitur in casu recto, PRAEDAD & SENTENTIAD in obliquo, ut in memorata inscriptione. Duillii, & S. C. de Bacchanalibus &c.

(a) Quatuor nummos Messanenſes habet Paruta, quorum inscriptio hinc est MEEĒANO, hinc MEEĒANIQN. Utraque vox Messanenſes significat, hæc ex lingua Græca petita, illa ex Italica antiqua. Antiqui enim Zanclei seu Messanenſes, ut ex Thucydide vidimus, venerant ex Italia.

*Vidit D. Salvator Corticellius Cleric. Regular.
Sancti Pauli, & in Ecclesia Metropol. Bo-
nonia Pœnitentiarius pro SS. D. N. Be-
nedicto XIV. Archiep. Bononia.*

Die 8. Maji 1748.

I M P R I M A T U R.

*F. Seraphinus Maria Maccarinelli Vicarius
Generalis Sancti Officii Bononia.*

ΑΑΑΑ

Β

ΓΑΛΛ

ΔΔΔ

Ε

ΖΑΖ

Η

ΘΘΘΘΘΘΘΘ

ΙΙ

ΚΛΓΛΛΛ

ΜΜΜ

ΝΝΝ

ΟΠΟΟ

ΡΡΡ

ΣΣΣΣ

ΤΤΤΤ

ΥΥΥΥΥΥ

ΦΦ



3



4



ΧΧ

ΨΨΨΨ

ΩΩΩΩΩΩΩΩ

ΑΧ

ΒΥ

ΓΩΩΩ

Τ

ΥΥΥ

ΦΦΦ

ΧΧ

ΨΨΨ



005661609



1001

Digitized by Google

